



十三經注疏

左傳二十三

口仁2
476
93

九十三



12

附釋音春秋左傳注疏卷第五十七

哀元年 盡五年

杜氏注

孔穎達疏

哀公

陸曰哀公名蔣定公之子蓋夫人定嬖所生敬王二十八年即位謚法恭仁短折曰哀

經元年春王正月公即位

無傳 ○ 楚子陳侯隨

侯許男圍蔡

隨卅服於楚不通中國吳之入楚昭王奔隨隨人免之卒復楚國楚人德之使列於

諸侯故得見經定六年鄭滅許此復見者

疏注隨世至封

蓋楚封之

見賢遍反下同此復扶又反

僖二十年楚人伐隨自爾以來隨不復見以隨世服於楚為

楚私屬不通於諸侯征伐盟會不齒於列故史不得書之猶

如邾滕為人私屬不序於宋盟也定四年保諸侯圍蔡令隨在

國楚人感其恩德使隨列於諸侯今楚帥諸侯圍蔡令隨在

其班次以之告魯故得見經定六年鄭滅許以許男歸殺

之此時許復見者以許屬楚故疑蓋楚封之當如蔡侯廬陳

侯吳受封於楚也世族譜許男斯之後有

○ 麇鼠食郊

元公成悼公孫則是楚封元公為許男也

波 18 93

春秋左傳注疏

牛改卜牛。夏四月辛巳郊。

無傳書過也不言所食非一處。處昌慮

反 [疏]

注書過至一處。正義曰桓五年傳例云凡祀啓蟄而郊過則書今以四月始郊已入春分之氣故書過也。宣三年郊牛之口傷成七年鼯鼠食郊牛角言其傷食之處此不言所食處者所食非一處也。

侯衛侯伐晉。冬仲孫何忌帥師伐邾。

無傳

傳元年春楚子圍蔡報柏舉也。

在定四年

里而栽。

栽設板築為圍壘周匝去蔡城一里。栽才代反又

音再注同說文云築牆長板壘力執反匝子台反。[疏]注

設至一里。正義曰築牆立板謂之栽栽者豎木以約版也。楚慮外人救蔡則於表裏受敵故築圍壘周匝去蔡城一里

以圍之欲置兵其內以攻蔡使外人不得救之。

廣丈高倍

壘厚一丈高二丈。廣古曠反高倍並如

字高又古報反。徙門反夫兵也屯

夫屯晝夜九日

夫猶兵也壘未成故令人在壘裏屯守蔡。屯言夫猶兵也以壘未成故令人在壘

裏屯守蔡然則未築壘前兵豈遠城乎壘成之後兵復出壘乎以圍人夜守常事何言晝夜九日而築壘成耳夫者別有城夫

屯謂夫役屯聚晝夜不止九日而築壘成耳夫者別有城夫非戰士劉炫以為丁夫築城晝夜九日杜必以夫為兵屯守

九日者以屯是戍守之名故詩序云屯戍於母家又案傳晉有輓車皆是兵之屯守經籍未有作役之人而為屯守之號

者故杜為此解劉如子西之素當用九日而成蔡人

妄規其失非也

如子西之素

當用九日而成蔡人

男女以辨

辨別也男女各別係纍而出降。辨扶免反又方免反別彼列反下同纍力維反降戶江

使疆于江汝之間而還

楚欲使蔡徙國在江水之北汝水之南目擇疆宇欲令遷都近楚為楚屬國蔡人冀令

也蔡權聽命故楚師還。疆居良反

[疏]

注楚欲至師還。正義曰服虔云蔡

意言蔡割地以賂楚也杜不然者以昭七年傳申無字云先

君文王作僕區之法所以封汝哀十七年傳曰彭仲爽申俘

也文王以為令尹實縣申息朝陳蔡封於汝則楚於文王

之時其竟已至汝水寧於此役蔡始令楚進疆于江汝之間

也且汝水江國不可其文故杜以為楚使蔡徙其國都於江

北汝水之南目擇疆宇欲令遷都近楚為楚屬國蔡人冀令

也蔡權聽命故楚師還。疆居良反。正義曰服虔云蔡

意言蔡割地以賂楚也杜不然者以昭七年傳申無字云先

君文王作僕區之法所以封汝哀十七年傳曰彭仲爽申俘

也文王以為令尹實縣申息朝陳蔡封於汝則楚於文王

楚去心雖不肯權宜許之楚還之後蔡更自議已與楚惡不如事吳故請遷于吳以吳為援蔡於是乎

請遷于吳楚既遷蔡人更叛楚就吳為明年蔡遷州來傳○吳王夫差敗

越于夫椒報檣李也檣李在定十四年夫椒吳郡吳縣西南大湖中椒山○夫音扶

椒又作檣子消反疏注夫椒至椒山○正義曰杜於此注

以戰必在山旁以山表地耳遂入越越子以甲楯五千保于

會稽上會稽山也在會稽山陰縣南○楯食允反又音允會古外反稽古今反上時掌反使大夫

種因吳大宰嚭以行成吳子將許之伍員曰

不可臣聞之樹德莫如滋去疾莫如盡昔有

過澆殺斟灌以伐斟鄩澆寒泥子封於過者二斟澆用師滅斟灌○斟音鄙反負音云去疾起呂反本又作去惡過古禾反國名注及下同澆五咩反一音五報反下同斟

諸林反灌古亂反鄩音尋泥注澆寒至斟灌○正義曰

仕捉反夏戶雅反下注皆同疏襄四年傳稱夏之哀也有

窮后羿因夏民以代夏政而用寒泥寒泥殺羿因其室而生

澆處澆于過是言澆是寒泥之子封於過也二斟夏同姓諸

侯夏本紀文也又襄四年傳云澆用師滅斟灌此言殺斟灌

者王肅云滅殺也古者滅殺尊卑同名其意言殺其君而滅

其國故二文各言其一也賈逵云夏后相依斟灌而國滅

故曰殺夏后相也案下句別言滅夏后相王解是也滅

夏后相夏后相啓孫也后相失國依於二斟復為澆注夏后至所滅○正義曰夏本紀云禹生啓啓生大康大康

崩弟仲康立仲康崩子相立是相為仲康之子啓之孫也書

序云大康失邦作五子之歌其經云大康尸位以逸豫乃敗

于有洛之表十旬弗反有窮后羿因民弗忍距于河則大康

之時羿已權盛能廢大康矣胤征云唯仲康肇位四海孔安

國云羿廢大康而立其弟仲康為天子仲康羿之所立也仲

康崩子相立蓋亦羿立之矣傳言羿因夏民以代夏政蓋於

相時羿始自立為天子相於是失國依於二斟及澆滅斟灌相復為后后縉方娠逃出自竇縉亡巾反娠音震又音澆所滅

之績過澆國戈犴國。過戈並。古禾反之績一本作迹。祀夏配天不失舊

物物事也。今吳不如過而越大於少康或將豐

之不亦難乎言與越成是使越豐大必為吳難。難乃且反。句踐能親而

務施施不失人所加惠賜皆得其人。施始鼓反下同。親不棄勞推

弗取將又存之違天而長寇讎猶言天與不取。猶言天與不取。長丁丈反下。

同疏注猶言天與不取。正義曰吳語云越滅吳吳王

雖悔之不可食已食消也。已止也。疏後雖至食已。正義曰言悔恨之深結於

心腹不可如食之消止。姬之衰也日可俟也姬吳姓言可計日而待。俟本又作

仕疾音介在蠻夷而長寇讎以是求伯必不行

矣弗聽退而告人曰越十年生聚而十年教

訓生民聚財富而後教之。介音界。伯如字又音霸聚才喻反又如字。疏注生民至教之

令少者無娶老婦老者無娶少婦女十七不嫁男二十不娶

哭泣葬埋如其子也孺子遊者必餽之也非手所種夫人所織不用十年不收於國。二十年之外

吳其為沼乎謂吳宮室廢壞當為汚池為二十二年。年越入吳起本。沼之兆反汚音烏。二

月越及吳平吳入越不書吳不告慶越不告

敗也嫌夷狄不與華同故。復發傳。復扶又反。夏四月齊侯衛侯救

邯鄲圍五鹿趙稷以邯鄲叛范中行氏之黨。也五鹿晉邑。邯音寒鄲音丹。吳之

入楚也在定四年。使召陳懷公懷公朝國人而問

焉曰欲與楚者右欲與吳者左陳人從田無

田從黨

都邑之人無田者隨黨而立不知所與故直從所居田在西者居右田在東者居左

逢滑

當公而進

當公不左不右滑于八反

曰臣聞國之興也以

福其亡也以禍今吳未有福楚未有禍楚未

可棄吳未可從而晉盟主也若以晉辭吳若

何公曰國勝君亡非禍而何

楚為吳所勝

對曰國之

有是多矣何必不復小國猶復況大國乎臣

聞國之興也視民如傷是其福也

如傷恐驚動

其亡

也以民為土芥是其禍也

芥草也。芥古邁反

楚雖無德

亦不艾殺其民吳日敝於兵暴骨如莽

草之生於

廣野莽莽然故曰草莽。艾魚廢反暴步卜反莽亡黨反

而未見德焉天其或

者正訓楚也

使懼而改過

禍之適吳其何日之有

至陳侯從之及夫差克越乃脩先君之怨秋

八月吳侵陳脩舊怨也

傳言吳不脩德而脩怨所以亡

齊侯

衛侯會于乾侯救范氏也師及齊師衛孔圉

鮮虞人伐晉取棘蒲

魯師不書非公命也孔圉孔烝鉏曾孫鮮虞狄師賤故不書。

圍魚呂反烝之承反鉏仕居反

疏

注魯師至不書。正義曰杜以經書齊衛伐晉傳言四國伐晉故唯解魯與鮮

虞不書意也劉炫以齊衛會乾侯救范氏者師相會因而行

伐二君親行告伐不告會也行伐之後魯與鮮虞會之齊衛

更遣師與同伐也但齊將罕師舉故稱師衛將尊師少故云

孔圉後伐四國並皆不書非獨魯與鮮虞不書也當謂魯師

不書非公命餘者不書皆不告義出百塗並得通也今知劉

非者杜以傳齊侯衛侯止云會乾侯不言伐晉即云師及齊

師衛孔圉鮮虞人伐晉與經齊侯衛侯伐晉文相次當以為

一鮮虞狄師賤故略而不書猶邲之戰唐侯從楚而不書平

一鮮虞狄師賤故略而不書猶邲之戰唐侯從楚而不書平

一鮮虞狄師賤故略而不書猶邲之戰唐侯從楚而不書平

一鮮虞狄師賤故略而不書猶邲之戰唐侯從楚而不書平

丘之會狄人從晉而不書之類是也劉以為孔圍等更別○
伐晉魯師不書非公命餘者不告故不書而規杜過非也

吳師在陳楚大夫皆懼曰闔廬惟能用其民

以敗我於柏舉今聞其嗣又甚焉將若之何

子西曰二三子恤不相睦無患吳矣昔闔廬

食不二味居不重席室不崇壇平地作室不起壇也。重直龍

反壇徒疏食不二味。正義曰謂與在下器不彤鏤彤丹也鏤刻也。形徒冬反鏤魯豆反

宮室不觀觀臺榭。觀古亂反注同榭音謝舟

車不飾衣服財用擇不取費選取堅厚不尚細靡。費芳味反在

國天有蓄癘癘疾疫也。蓄音災癘本或作天無蓄癘非疫音役疏在國天有

義曰在國與在軍相對天有蓄癘與下句相連言有蓄癘之時親自巡孤寡其其乏困也本或天作無誤耳親

巡其孤寡而其其乏困在軍熟食者分而後

敢食必須軍士皆分熟食不敢先食分猶徧也。共音注必須至徧也。正義曰孫武兵書云甲井未達將不言渴疏

軍竈未炊將不言飢故闔間在軍如良村之法必須軍士皆分熟食然後敢食王不先自食也服虔云以其分軍士而後自食其餘若單醪注流也杜以分王十食不得徧及軍人

且所嘗珍異乃得卒乘與焉王所自食不得分軍士也故顯而異之分猶徧也待徧熟食王乃自食也其所

嘗者卒乘與焉所嘗甘珍非常良。辛子忽反乘繩證反與音預勤恤其

民而與之勞逸且以民不罷勞死不知曠身知

死不見曠棄吾先大夫子常易之所以敗我也

罷音皮今聞夫差次有臺榭陂池焉積土為高曰臺有木曰榭過再

易猶反也宿曰次。疏注積土至曰次。正義曰釋宮云闔謂之臺

陂彼宜反疏郭璞云積土四方也又云有木者謂之榭李

春秋疏卷五十七

巡云臺上有屋謂之榭又曰無室曰榭四方而高曰臺莊三年傳例曰凡師一宿為舍再宿為信過信為次孔安國尚書傳云澤影曰陂停水曰池言夫宿有妃嬪嬪御焉妃嬪者嬪御賤者皆內官。嬪本又疏注妃嬪至內官。正

對於夫婦官之最貴者也。嬪在妃下次於妃也。周禮有九嬪之名。周禮無嬪蓋後世為之名。漢有掖庭王嬪是因於古也。

一日之行所欲必成玩好必從珍異是聚觀樂是務視民如讎而用之日新夫先自敗也

已安能敗我為二十二年越滅吳起本。好呼報反夫先自敗也。已夫音扶本或作夫差先自敗者。

非○冬十一月晉趙鞅伐朝歌討范中行氏

經二年春王二月季孫斯叔孫州仇仲孫何

忌帥師伐邾取鄆東田及沂西田邾人以賂取之易也。鄆

火號反又音郭沂魚依反易以豉反

癸巳叔孫州仇仲孫何忌及邾

子盟于句繹句繹邾地取邑盟以要之。疏注句繹句古侯反釋音亦要以遙反。

正義曰既取其田慮後悔號故共盟以要之。伐則三卿盟唯二卿者服虔云季孫尊卿敵服先歸使二子與之盟穀梁傳曰三人伐而二人盟何各盟其得也其意言季孫不得田故不與盟也案十四年小邾射以句繹來奔則句繹小邾地也注言邾地者以傳云伐邾邾人愛其土賂以鄆沂之田而受盟被伐受盟則盟在邾地猶若成二年楚人伐我師于蜀公及楚公子嬰齊盟于蜀之類是也邾與小邾國竟相近句繹所屬亦無定準猶齊魯汶陽之田莒魯爭鄆之事一彼一此豈有常乎而劉炫以句繹為小邾地而規杜非也

○夏四月丙子衛侯元卒

定四年盟臯臯正義曰元以昭八年即位盟臯臯疏注定四年大夫盟于狄泉以未告公而公薨故

不數○滕子來朝傳無

○晉趙鞅帥師納衛世子

崩贖于戚疏

衛世子正義曰世子者父在之名崩贖父既死矣而稱世子者晉人納之以世子

告言是正世子以示宜為君也春秋以其本是世子未得衛國無可褒貶故因而書世子耳 ○秋八月

甲戌晉趙鞅帥師及鄭罕達帥師戰于鐵鄭

師敗績皆陳曰戰大崩曰敗績鐵在城城南罕達子皮孫 ○鐵天結反陳直觀反 ○冬十月

葬衛靈公無傳七月而葬 ○十有一月蔡遷于州來

畏楚而請遷故以自遷為文 蔡殺其大夫公子駟懷土而欺大國故罪而書名

傳二年春伐邾將伐絞絞邾邑古卯反 邾人愛其土

故賂以漵沂之田而受盟 ○初衛侯遊于郊

子南僕子南靈公子郢也僕御也 ○郢以井反 公曰余無子將立女

崩贖奔無大子音汝 不對他日又謂之對曰郢不足以

辱社稷君其改圖君夫人在堂三揖在下三揖大夫士

卿大夫士 疏注三揖卿大夫士正義曰周禮司土云揖一入反孤卿特揖大夫以其等旅揖士旁三揖鄭

立云特揖一揖之旅眾也大夫爵同者眾揖之三揖者士有上中下鄭眾云卿大夫士皆君之所揖禮春秋傳所謂三

揖在下服虔云三揖卿大夫士 君命祇辱言立適當以禮與內外同

土揖庶姓時揖異姓天揖同姓 夏衛靈公卒夫人曰

命公子郢為太子君命也對曰郢異於他子

言用意 且君沒於吾手若有之郢必聞之言當以臨沒為

正 且亡人之子輒在輒崩贖之子出公也靈公適孫 乃立輒六月

乙酉晉趙鞅納衛太子于戚宵迷陽虎曰右

河而南必至焉是時河北流過元城界戚在河外晉軍已渡河故欲出河右而南 疏

注是時至而南。正義曰土地各云河經河內之南界東北經汲郡魏郡頓丘陽平原樂陵之東南入海是言晉時河所經也春秋之時河未必然故云是時河北流過元城界與晉時河道異也土地各又云威頓丘衛縣西威城在枯河東是春秋時威在河東也從晉而言河西為內東為外故云威在河外也是時晉軍已渡河矣師人皆迷不知威處陽虎憶其渡處在威之北河既北流據水所使大子統統者始向則東為右故欲出河右而南行也發喪之服。正義曰士喪禮既小問喪音桑疏統主人括髮袒主人免于房鄭玄云括髮者去笄纒而紒也眾主人免者齊衰將袒以免代冠冠服之尤尊不以袒也又奔喪之禮至於家人門哭盡哀括髮袒自齊衰以下入門哭盡哀麻于序東如彼禮文則主人當括髮齊衰以下乃免此大子統者禮不至喪所不括髮故以統代之耳靈公以四月卒今以六月而大子統故云統始發喪之服也遠道不臨喪者不得括髮故始發喪服也鄭玄注士喪禮云免之制未聞舊說以為如冠狀廣一寸喪服小記曰斬衰括髮以麻免而以布此用麻布為之狀如今之著慘頭矣自項中而前交八人衰經偽自衛逆者欲為衛於額上卻繞紒也

衰經成服。哀七。告於門哭而入遂居之。○秋八

月齊人輸范氏粟鄭子姚子般送之子般馴引

音班。士吉射逆之趙鞅禦之遇於戚陽虎曰

吾車少以兵車之旃與罕駟兵車先陳旃先驅車

也以先驅車益以兵車以罕駟自後隨而從之彼

示眾。陳直觀反下注同。罕駟自後隨而從之彼

見吾貌必有懼心晉人先陳鄭人隨之不於是乎

會之會合必大敗之從之下戰龜焦兆不樂

丁曰詩曰爰始爰謀爰契我龜樂丁晉大夫詩

後卜筮。契苦。疏。詩曰至我龜。正義曰詩大雅絲之篇

計反又苦結反。美太王遷岐之事爰於也既見周原之

地肥美可居於是始集幽人從已者於是與謀議人謀協

謀既從於是契灼我龜而卜之言先人謀後卜筮也

謀協

樂丁晉大夫詩

大雅言先人事

既見周原之

鞅入晉陽以畔後得歸改名
 志父春秋仍舊猶書趙鞅
 況以人臣誓眾固當自稱名矣知志父是簡子名也簡子名
 鞅又各志父者服虔云趙鞅入于晉陽以叛諸侯之策書曰
 晉趙鞅以叛既復更名志父或當然也楚公子圍弑君取國
 改名曰虔經即書虔公子棄疾弑君取國改名曰居經即書
 居今趙鞅改名志父經書猶云趙鞅者彼楚子既為國君臣
 下以所改之名告於鄰國故得書所改之名趙鞅人臣家國
 不為之諱仍以趙鞅名告故書鞅也鞅言君實圖之言已事
 濟君當謀其賞也簡子言此君當謀其賞者言君當賞其在
 下副上所誓之言欲使在
 人物。縊一 **桐棺二寸不設屬辟** 屬辟棺之重數王
 賜反戮音六 桐棺三寸禮記云夫子制於中都四寸之棺五寸
 夫一重。桐棺三寸禮記云夫子制於中都四寸之棺五寸
 之椁以斯知不欲速朽也鄭康成注云此庶人之制也案禮
 上大夫棺八寸屬六寸下大夫棺六寸屬四寸無三寸棺制
 也棺用難朽之木桐木易壞不堪為棺故以為罰墨子尚儉
 有桐棺三寸不設屬音燭注同次大棺也辟步履反注同親
 身棺也禮大夫無辟重直龍反下同王棺四重禮記云水兕

革棺破之其厚三寸地棺一梓棺二地棺辟也梓棺二屬與
 大棺也破水牛及兕之革為一重辟為二重屬為三重屬為
 為四重君再重君謂侯伯子男侯伯已下無革棺屬與辟為
 一重大棺為再重上公則唯無水革耳兕革與辟為一重屬
 為再重大棺為三重大夫一重大夫唯屬與大 **疏** 注屬辟
 棺為一重今云不設辟者時僭耳非正禮也 **疏** 至一重
 正義曰禮喪大記云君大棺八寸屬六寸梓四寸上大夫大
 棺八寸屬六寸下大夫大棺六寸屬四寸是屬屬之內有梓梓親
 數也大記之文從外向內大棺之內有屬屬之內有梓梓親
 身之棺鄭玄云梓堅著之意也如記文大夫無梓今簡子自
 言有罪始不設辟者鄭玄云趙簡子云不設屬梓時僭也為
 時僭日久自言無罪則僭設有罪乃不設耳記言士棺六寸
 檀弓又云夫子為中都宰制四寸之棺五寸之椁鄭玄云為
 民作制民猶四寸簡子言三寸者亦示其罰之重令制度卑
 於民也記有地棺梓棺地謂椁也不以桐為棺簡子言桐易腐
 者鄭玄云凡棺用能溼之物梓椁能溼故禮法尚之桐易腐
 壤亦以桐為罰也檀弓又云天子之棺四重鄭玄云尚深遂
 也諸公三重諸侯再重大夫一重士不重又云水兕革棺被
 之其厚三寸地棺一梓棺二四者皆周鄭玄云以水牛兕牛
 之革以為棺被革各厚三寸合六寸也此為一重地棺一所

謂梓棺也梓棺二所謂屬與大棺也檀弓之文自內向外水
牛之革一也兕牛之革二也二者相襲乃得為重故以此二
者為一重也又有禭也屬也大棺也此是天子四重為數五
棺為四重也喪大記之文君有大棺也禭也屬也大夫有大
棺也屬也鄭立注檀弓天子之棺四重以是差之上公革棺
不被三重也諸侯無革棺再重也大夫無禭一重也士無屬
不重也是上公數四棺為三重諸侯數三棺為再重大夫數
二棺為一重士以一棺為一重也杜之此注惟無上公士耳
其言重數與鄭同也若然禮器云天子葬五重諸侯葬三重
大夫葬再重以多為貴也彼重亦當謂棺而其數皆較一者
鄭立云天子葬五重者謂棺木與茵也葬者棺木在上茵在
下然則茵以藉棺杭為負土天子及諸侯大夫皆數彼以增
棺數故皆多較一也杜言此棺之
素車樸馬以載柩。樸普卜反
重數者以明不設屬辟為罰也
疏素車樸馬。正義曰素車無飾謂不以翠柳飾車
又反。疏也曲禮云大夫去國為位而哭乘髦馬鄭立云髦
馬不鬣落也則此樸馬亦謂不鬣落用此以載柩也雜記稱
士喪有與天子同者三其終夜燎及乘人專道而行然則柩
皆人挽此用車馬載者禮言乘人設法許
無入于兆兆葬
之耳道遠者當用牛馬且此言亦為罰也

域無入于兆。正義曰周禮家人云凡死於兵者不入
疏兆域鄭立云戰敗無勇投諸塋外以罰之此言不入

兆域亦
下卿之罰也為眾設賞自設罰所以
能克敵。為于偽反
甲戌將

戰郵無恤御簡子衛太子為右郵無恤王良
疏也。郵音尤

注郵無恤王良也。正義曰下云子良授綏是也服虔云王
良也孟子說王良善御之事古者車駕四馬御之為難故為
六莛之一王良之善御最有名於書傳多稱之楚辭云當世
豈無騏驥兮誠無王良之善御見執轡者非其人兮故駒跳
而遠
登鐵上鐵上名
望見鄭師眾大子懼自投于

車下子良授大子綏而乘之曰婦人也言其怯
去

業
疏授大子綏。正義曰曲禮云凡僕人之禮必授人綏
反。疏論語稱孔子上車必正立執綏而升綏者挽以上車
之索故授之使之升也少儀云僕者右帶劔負良綏申之面
批諸帶鄭立云面前也帶覆苓也良綏君綏也負之由左肩
上入右腋下申之
簡子巡列曰畢萬匹夫也七戰
於前覆苓上也

皆獲有馬百乘死於牖下

畢萬晉獻公卿也皆獲有功死於牖下言得壽

終○乘繩證疏有馬至牖下。正義曰襄二十七年傳曰

反牖羊九反唯卿備百邑注云一乘之邑也坊記云家

富不過百乘百乘卿之極制也檀弓云飯於牖下小斂於戶

內大斂於阼殯於客位祖於庭葬於墓所以即遠也則禮之

正法死於牖下羣子勉之死不在寇命有敏系羽御趙羅

宋勇為右三子晉大夫羅無勇麋之麋束縛也。麋吏

詰之御對曰疢作而伏疢瘧疾也。詰起吉反衛

大子禱曰曾孫蒯聵敢昭告皇祖文王周文王皇

祖康叔烈顯文祖襄公繼業守文故曰文鄭勝亂

從勝鄭聲公名釋君助臣為從於亂晉午在難午晉定公名。難乃

不能治亂使鞅討之鞅簡子名蒯聵不敢自佚備

持矛焉戎右持矛。佚音逸矛亡侯反敢告無絕筋無折骨無

面傷以集大事無作三祖羞集成也。筋居銀反大命不

敢請佩玉不敢愛不敢愛故疏大命至敢愛。正

無折骨謂軍之士眾無令損傷以成大事此云大命不敢請

者謂已之身命不敢私請苟以求生佩玉不敢愛尚書金縢

稱周公植璧秉珪以告大王王季文王鄭人擊簡子中

肩儼死於車中斃踏也。中肩丁仲反斃婢獲其盜旗

盜旗旗名。盜芳恭反大子救之以戈鄭師比獲溫大夫

趙羅羅無勇故鄭師雖北猶獲羅大子復伐之鄭師大敗獲

齊粟千車趙孟喜曰可矣

趙孟簡子也喜大子前怯今更勇。復扶又反

傳使曰雖克鄭猶有知在憂未艾也

傳使簡子屬也言知

氏將為難後竟有晉陽之患。復素口反又作叟有知音智艾魚廢反又五蓋反

初周人與范

氏田公孫尤稅焉

范氏臣為范氏收周人所與田之稅。龍武江反稅始銳反為于

偽反下文為其注同趙氏得而獻之

得龍以獻簡子

吏請殺之趙孟

曰為其主也何罪止而與之田

還其所稅

及鐵之戰

以徒五百人宵攻鄭師取蠡旗於子姚之幕

下獻曰請報主德追鄭師姚般公孫林殿而

射前列多死

晉前列。幕音莫姚般子姚子般殿丁電反射食亦反

趙孟曰國

無小

言雖小國猶有善射者

既戰簡子曰吾伏毀嘔血

毀弓衣嘔

吐也。發吐刀反嘔本又作啞鳥口反吐他路反鼓音不衰今日我上也

為上大子曰吾救主於車退敵於下我右之上也

郵良曰我兩鞞將絕吾能止之

之上也駕而乘材兩鞞皆絕

材橫木明細小也傳言簡子不讓下自伐

疏兩鞞至皆絕。正義曰古之駕四馬者服馬夾轅其頸

云鞞引軸也信二十八注云在曾曰鞞然則此皮約馬曾而引車軸也兩鞞將絕而能制焉言其御之和也駕而乘材

材謂橫地綸小之木也乘小吳洩庸如蔡納聘而

稍納師師畢入眾知之

元年蔡請遷于吳中悔故因聘襲之。洩息列反一音息

引反未詳蔡侯告大夫殺公子駟以說

中丁仲反冬蔡遷于州來

遷駟君辭故哭

哭而遷墓

將遷與先

之為

經二年春齊國夏衛石曼姑帥師圍戚

圍父知其不義故推齊使為兵首戚不
稱衛非叛人。曼音萬為子于偽反
兵征伐自非霸王之命諸國共行皆以主兵為首此圍戚實
出衛意引齊使之助已計應曼姑為首而序在齊下者曼姑
為子圍父知其不義推齊使為兵首故先書齊也穀梁傳曰
此衛事也其先國夏何也子圍父也是先儒及杜皆同穀梁
之說也宋魚石去而復入據宋之彭城襄元年經書圍宋彭
城傳曰非宋地追書也於是為宋討魚石故稱宋且不登叛
人也此蒯躄在戚齊圍之與圍宋彭城事類同矣彭城稱
宋此不稱衛者蒯躄據戚與圍爭國非是叛人故不須繫之
衛也公羊傳曰齊國夏易為與衛石曼姑帥師圍戚伯討也
此其為伯討奈何曼姑受命于靈公而立輒以曼姑之義為
固可以距之也輒者曷為者也蒯躄之子也然則曷為不立
蒯躄而立輒輒躄為無道靈公逐蒯躄而立輒然則輒之義
可以立乎曰可其可奈何不以家事辭王父命以王父命辭
父命是父之行乎子也不以家事辭王父命以王父命辭
上之行乎下也其意言靈公廢蒯躄不用使之得國輒不以
國與蒯躄是靈公之命行於蒯躄也立為國君是王事也以

國與父是私事也不以國與父是天子之命行於諸侯也如
公羊之言則輒義可以距父圍戚不為不義而杜言曼姑知
其不義則輒不合距父意與公羊異者據左傳公子邴讓國
不受然後立輒然則輒之立也以周禮無適子則立適孫緣
是以得立耳非有靈公之命使立之也為輒之義自可讓而
不受以已足適孫緣有可立之勢貪國以距父耳非有靈公
之命天子之勅使之距蒯躄也論語說此事云冉有曰夫子
為衛君乎子貢曰諾吾將問之入曰伯夷叔齊何人也曰古
之賢人也曰怨乎曰求仁而得仁又何怨乎出曰夫子不為
也孔子意不助輒明是輒為不義故曼姑自知不義推齊為
主
○夏四月甲午地震
○五月辛卯桓宮僖
宮災
○季孫斯叔孫州仇帥師城啓陽
○宋樂髡帥師伐曹
大夫公孫獵于吳
○秋七月丙子季孫斯卒
○蔡人放其
○冬十月癸卯秦

孫反
○秋七月丙子季孫斯卒
○蔡人放其
○冬十月癸卯秦

無傳魯黨范氏故懼晉比年
四城啓陽今琅邪開陽縣
○宋樂髡帥師伐曹
無傳公子
○冬十月癸卯秦

春大流卷五十七

伯卒

無傳不書名未同盟

○叔孫州仇仲孫何忌帥師圍

邾

無傳

傳三年春齊衛圍戚求援于中山

中山鮮虞

○夏

五月辛卯司鐸火

司鐸官名。鐸待洛反

○疏注司鐸官名。正義曰僖二十

年西宮災書之此不書者西宮公之西宮親近偏君忽被天火故重而書之此司鐸雖是公小宮在公宮之後非若來往之急又是人火所以輕而不書或可舉廟重以略之

○疏

桓僖災。正義曰傳言火而經書災者司鐸初

救火

者皆曰顧府

言常人愛財

南宮敬叔至命周人出

御書俟於宮

敬叔孔子弟子南宮闕周人司周書典籍之官御書進於君者也使待命於宮。闕

音悅曰虬女而不在死

虬具也。虬匹婢反女音汝

子服景伯至

命宰人出禮書

景伯子服何也宰人家宰之屬

以待命命不共

有常刑

待求之命共音恭

校人乘馬巾車脂轄

校人掌馬巾車掌車

乘馬使四匹相從為駕之易。校戶教反注及下同乘繩證反注及下同轄戶睇反本又作轄同為于偽反易以政反

百官官備府庫慎守官人肅給

國有火災恐有變難故慎為備

○難乃

濟濡帷幕鬱攸從之

鬱攸火氣也濡物於水出用為濟。濟子細反

自大廟始外內以悛

悛次也先尊後卑以悛救之。悛大全反

助所不

給有不用命則有常刑無赦公父文伯至命

校人駕乘車

乘車公車

季桓子至御公立于象魏

之外

象魏門闕

命救火者傷人則止財可為也命

藏象魏

周禮正月縣教令之法于象魏使萬民觀之故謂其書為象魏。縣音玄。

疏

注周禮至象魏

正義曰周禮大宰云正月之吉始和布治于邦國都鄙乃縣治象之法于象魏使萬民觀治象。澹日而斂之。鄭玄云正月之正歲又書而縣于象魏使萬民觀焉。凡治有故言始和者。若改造云爾。鄭眾云從甲至甲謂之澹日。凡十日其地官夏官秋官皆有此言。地官云布教縣教象夏官云布政縣政象不縣者以禮法一頒百事皆足不可又縣故不縣之杜摠彼意言縣教令之法彼所縣者皆是教令之事故也。由其縣于象魏故謂其書為象魏。命藏其書也。彼言朔日縣之十日即斂之則救火之時其書久已藏矣。而此立象魏之外方始命藏此書者象魏是縣書之處見其處而念及其書非始就縣處斂之。

曰舊章不可亡也富父槐至曰無備而

官辦者猶拾藩也

槐富父終生之後藩汁也言不備而責辦不可得。父音甫槐音懷。

官辦辦具之辦注並同拾音十藩尺審反比土呼汁為藩

於是乎去表之橐

表表火道

風所向者去其橐積。去起呂反注同。橐古老反注同。何許亮反積子賜反。

道還公公宮

開除道周

又作環戶闕反又音患注同

孔子在陳聞火曰其桓

僖乎

言桓僖親盡而廟不毀言其廟計桓之於哀八世祖也。僖六世祖也。親盡而廟不毀言其宜為天所災也。所以不毀者服虔云季氏出桓公又為僖公所立故不毀其廟其意或然。公羊傳曰此皆毀廟也。其言災何復立也。曷為不言其復立春秋見者不復見也。何以不言及敵也。其意言哀公更立之不可通於左氏故以為元不毀耳。服虔又云俱在迭毀故不言及杜無說或當同時

故不言及

○劉氏范氏世為婚姻。劉氏周卿士。范氏晉大夫。故不言及。

引事劉文公

為之屬大夫

故周與范氏趙鞅以為

討

責周與范氏

六月癸卯周人殺襄引

終遠天

疏

至襄引。正義曰文公以定四年卒也為之屬大夫謂當昭公之世也。此時文公已卒襄引知政以已先事劉子劉氏又

與范氏親既握國權遂與范氏故周人殺之以說於晉○秋季孫有疾命正常

曰無死正常桓子之寵臣欲付以後事故勅令勿從已死○令方呈反南孺子之子

男也則以告而立之南孺子季桓子之妻言若生男告公而立之○孺如住反女

也則肥也可肥康子也季孫卒康子即位既葬康

子在朝在公朝也南氏生男正常載以如朝告曰

夫子有遺言命其圉臣曰南氏生男則以告

於君與大夫而立之今生矣男也敢告遂奔

衛康子請退退辟位也公使共劉視之共劉魯大夫則

或殺之矣乃討之討殺者召正常正常不反畏

子也傳備言季氏家事疏問兒死意然則兒於正常去後始死死非

正常得知召之復何所問也當欲問不立康子之意故正常畏康子不反○冬十月晉趙鞅

圍朝歌師于其南范中行所在荀寅伐其郭伐其北郭圍

郭郭芳夫反使其徒自北門入已犯師而出荀寅使在外

趙氏圍之北門疏荀寅至而出正義曰荀寅從內伐其

郭因外內攻得出比郭之郭又使其救己之徒自外伐圍

外內攻故得出也郭之北門而入癸丑奔鄆鄆十一月趙鞅殺士

皇夷惡范氏也惡范氏而殺其族言遷怒惡烏路反注同

經四年春王二月庚戌盜殺蔡侯申賤者故稱盜不言弑

其君賤盜也盜殺申志屐蔡侯申今本皆如此案宣十七

年蔡侯申卒是文侯也今昭侯是其玄孫不容與高祖同名

未詳何疏也蔡世家云文侯申生景侯固生靈侯般般

者誤也疏也昭侯申是隱大子之子杜世族譜亦然計昭侯

生隱大子今昭侯申是隱大子之子杜世族譜亦然計昭侯

是文侯玄孫乃與高祖同名周人以諱事神二申必有誤者

俱是經文未知孰誤。注賤者至盜也。正義曰公孫辰公孫姓公孫霍雖並是弑君之黨而非弑君之首首是公孫翮翮賤故稱盜不言弑其君者賤此盜也盜賤不得有其君故以盜為文不得言弑其君

出奔吳 弑君賊之黨故書名 ○葬秦惠公 無傳 ○宋人執小邾子 無傳邾子無道於

邾子 無傳邾子無道於 ○夏蔡殺其大夫公孫姓

公孫霍 皆弑君黨。姓音生 ○晉人執戎蠻子赤

歸于楚 晉恥為楚執諸侯故稱人以告若蠻子不道於其民也赤本屬楚故言歸。恥為于偽反 ○城

西郭 無傳魯西郭備晉也 ○六月辛丑亳社災 無傳天火也

侯有之所以戒亡國。亳步各反 ○六月辛丑亳社災 無傳天火也

疏 注天火至亡國。正義曰傳例曰天火曰災知天火也殷有天下作都于亳故知亳社殷社也蓋武王伐紂以其社班賜諸侯使各各立之所以戒亡國也其社有屋故火得焚之公羊傳曰蒲社者何亡國之社也社者封也其言災何亡國之社蓋揜之揜其上而柴其下穀梁傳曰亳社者亳之社也亳亡國也亡國

之社以為廟屏戒也其屋亡國之社不得達上也說者以為立亳社於廟門之外以為屏蔽使人君視之而致戒也左傳稱間于兩社事當為然郊特牲亦云喪國之社屋之不受天陽故災其屋也 ○秋八月甲寅

滕子結卒 無傳同盟 ○冬十有一月葬蔡昭公

無傳亂故 ○葬滕頃公 無傳

傳四年春蔡昭侯將如吳諸大夫恐其又遷

也承 承音懲蓋楚言。正義曰懲之言聲轉而字異耳

公孫翮逐而射之人於家人

而卒 翮蔡大夫。翮音將如吳已適吳矣翮在路逐

疏 人於家人而卒。正義曰言

以兩矢門之眾莫敢進

矢自守 文之錯後至 錯蔡大夫。錯音楷

曰如牆而

其門

言此者說其非理之意

而殺之遂入于凡人之家

矢自守

其門

其門

進多而殺一人

併行如牆俱進併步頂反

錯執弓而先翮

射之中肘錯遂殺之故逐公孫辰而殺公孫

姓公孫盱

盱即霍也中丁仲反肘竹九反盱況于反

○夏楚人既克

夷虎

夷虎蠻夷叛楚者

乃謀北方左司馬取申公壽餘

葉公諸梁致蔡於負函

三子楚大夫也此蔡之故地人民楚因以為邑致之

者會其眾也取普版反字林匹姦反葉始涉反函音咸

致方城之外於繒關

繒關皆楚地

曰吳將沂江入郢

逆流曰沂沂音素

將

奔命焉為一昔之期襲梁及霍

偽辭當備吳夜結期明日便襲梁霍

使不知之梁河南梁縣西南故城也梁南有霍陽山皆蠻子之邑也

單浮餘圍蠻氏蠻

氏潰

浮餘楚大夫單音善潰戶內反

蠻子赤奔晉陰地

陰地河南山北

自上雒以東至陸渾○渾戶門反

司馬起豐析與狄戎

楚司馬取也析縣屬南鄉

郡析南有豐鄉皆楚邑發此二邑人及戎狄○析星歷反注同

以臨上雒左師軍于

菟和

菟和山在上雒東也○菟音徒

右師軍于倉野

蒼野在上雒縣

使謂

陰地之命大夫士蔑

命大夫別縣監尹○監古銜反

疏

注命大至監尹○正

義曰陰地者河南山北東西橫長其間非一邑也若是典邑大夫則當以邑冠之乃言陰地之命大夫則是特命大夫使惣監陰地故以為別縣監尹也以其去國遙遠別為置監楚官稱尹故以尹言之

曰晉楚有盟好惡同之若將不廢寡君之願也不然將通

於少習以聽命

少習商縣武關也將大開武關道以伐晉○少詩照反又如字

士蔑

請諸趙孟趙孟曰晉國未寧安能惡於楚必

速與之

未寧時有范中行

士蔑乃致九州之戎

九州

戎在晉陰地陸渾者

將裂田以與蠻子而城之

以詐蠻子

且將

為之卜

卜城。為于偽反。下同。

蠻子聽卜遂執之與其五

大夫以畀楚師于三戶

今丹水縣北三戶亭。畀必利反與也。

司馬

致邑立宗焉以誘其遺民

楚復詐為蠻子作邑立其宗主。復扶又反。

而盡俘以歸。○秋七月齊陳乞莚施衛甯跪

救范氏

陳乞僖子莚施莚。多。跪其委反。

庚午圍五鹿

五鹿晉邑

九月

趙鞅圍邯鄲冬十一月邯鄲降荀寅奔鮮虞

趙稷奔臨

臨晉邑。降戶江反。

十一月莚施逆之遂墮臨

國夏伐晉取邢任欒鄆逆時陰人于壺口

晉也欒在趙國平棘縣西北部即高邑縣也路縣東有壺口關。墮許規反邢音刑任音壬欒力官反鄆呼洛反郭璞王

蒼解詁音臚字林火沃反韋昭呼告反闕駟云讀曉確同時音止孟音于

疏

遂墮臨。正義曰稷初奔臨欲據臨

距國今莚施逆稷故納之他邑以臨險固故毀之

會鮮虞納荀寅于柏人

晉邑也今趙國柏人縣也莚施與鮮虞會也

經五年春城毗

無傳備晉也毗頻夷反

○夏齊侯伐宋

○晉趙鞅帥師伐衛。○秋九月癸酉齊侯杵

臼卒

再同盟也。杵昌呂反臼求又反

疏

注再同盟。正義曰襄二十五年崔杼弑莊公而立杵臼

昭二十八年盟于鄆陵定四年于皐鼪是再同盟也昭三十二年大夫盟于狄泉未告公而公薨故不數也 ○冬

叔還如齊。○閏月葬齊景公

無傳

傳五年春晉圍柏人荀寅士吉射奔齊初范

氏之臣王生惡張柳朔言諸昭子使為柏人

為相人宰也。昭子范吉射也。昭子曰：夫非而讎乎？對曰：私讎不及公。公家之事也。夫音扶。好不廢，過惡不去。

善義之經也。臣敢違之。及范氏出。出柏人奔齊。好呼報反。

去起。張柳朔謂其子爾從主勉之。我將止死。主生授我矣。授我死節。吾不可以僭之。遂死於柏人。

為吉射距音戰死。僭子念反。後同。為于偽反。○夏趙鞅伐衛。范氏之故也。遂圍中牟。衛助范氏故也。○齊燕姬生子不成而死。燕姬

景公夫人不成未冠也。燕於賢反。冠古喚反。諸子鬻嬖之子荼。嬖諸子庶。似荼音舒。又音徒。又丈加反。嬖必計反。諸大夫恐其為大子也。言於公曰：君之齒長矣。未有太子。若

之何？公曰：二三子間於憂虞，則有疾。疾亦姑

謀樂何憂於無君？景公意欲立荼而未發，故以此言塞大夫請。長丁文反。閒音閑。又音閒。廁之間。又如字。疾，勅觀反。本或作疹。乃結反。樂音洛。疏謂羣臣云：若閒暇於憂虞，謂國无憂虞，事得閒暇，則恐有疾，疾不得飲樂。今既無憂虞，又無疾，亦且謀樂何憂乎無君。公疾使國

惠子高昭子立荼。惠子國夏昭子高張。寘羣公子於萊

嘉公子駒，公子黔奔衛。公子鉏，公子陽生來

奔。皆景公子在萊者。黔，巨廉反。又音琴。鉏，仕居反。萊人歌之曰：景公死乎？不與埋。二軍之事乎？不與謀。師乎？師乎？何

黨之乎？師，厭也。黨，所也。之，往也。稱謚蓋葬後而為此。疏歌哀羣公子失所。與音預。下同。埋，亡皆反。疏

注師叙也黨所也之往也至公子失所。正義曰師叙之往釋詰文也周禮五百家為黨言其共居一所故以黨為名是黨為所也經書閏月葬齊景公長厯閏十一月禮葬乃有謚此歌稱謚明是葬後傳言冬十月者記公子出奔之月其萊人之歌在公子出奔之後杜以文承十月之下故云蓋耳公羊以為喪以閏數謂通數閏月穀梁云不正其閏也謂喪事不數左氏無○鄭駟秦富而後嬖大夫也而常傳未知所從

陳卿之車服於其庭鄭人惡而殺之子思曰

詩曰不解于位民之攸暨子思子產子國參也詩大雅攸所也暨息也。

俊昌氏反又尺氏反惡鳥路反解佳賣反暨音許器反疏詩曰至攸暨。正義曰詩大雅嘉樂之篇也言在上

者鮮矣商頌曰不僭不濫不敢怠皇命以多

福僭差也濫溢也皇暇也言駟秦違詩商頌疏商頌至故受禍。鮮息淺反濫力暫反濫音逸

正義曰商頌殷武之篇歌成湯之德不僭差不濫溢不敢怠惰而自暇以此之故上天命以多福也詩於怠皇之下更云命于下國封建厥福傳言命以多福不復具引詩文取其意而言之也杜云違詩商頌上言詩下言頌以駟秦於此二詩皆違故言違詩與商頌

附釋音春秋左傳注疏卷第五十七

李國章

禮記卷五十七

江西南昌府學棊

春秋左傳注疏卷五十七按勘記 阮元撰盧宣旬摘錄

附釋音春秋左傳注疏卷第五十七 哀元年盡五年宋本春秋正義卷第三十五石

經春秋經傳集解哀上第廿九淳熙本岳本哀下有公字並盡十三年

哀公

同上 宋本作正義曰魯世家云哀公名蔣定公之子蓋是夫人定姒所生以敬王二十六年即位諡法共仁短折曰哀按此古本之最善處坊刻改為同上以省字

經元年

隨人免之 閩本監本人作侯非也

不序於宋盟也 諸本作宋此本誤朱今改正

則是楚封近公為許男也 宋本近作元是也

不言所食非一處

宋本淳熙本岳本足利本重所食二字與正義合

傳

報柏舉也

監本柏作栢

栽設板築為圍壘周匝

宋本纂圖本毛本足利本板作版周匝宋本岳本足利本作周而與

釋文合

注栽設至一里

宋本以下正義三節摠入下注為明年蔡遷州來傳之下

屑言晝夜九日

宋本監本毛本屑作何是也

彭神爽

宋本監本毛本神作仲是也

吳王夫差敗越于夫椒

諸本作椒釋文云又作柁陳樹華云案史記伍子胥傳說苑並作夫湫古

字通

注夫椒至椒山

宋本以下正義九節摠入三月節注下

以椒必在山旁

宋本椒作戰是也

故曰殺夏后相也

宋本日作因

夏后相啟孫也

閩本監本毛本脫也字

后緡方娠

詩生民正義引昭元年傳邑姜方震大叔及此后緡方震皆謂有身為震爾雅釋詁邢昺疏引同是

所據本不同也

用之為正當當是食官之長

宋本監本毛本用作謂○補案此本當字疑誤重

而邑緒綸

閩本監本脫而字

猶言天與不取

淳熙本言誤上

結其心腹

宋本其作於是也

日可俟也

釋文俟作埃云本又作俟字按埃正字也俟假借字也

言可計日而待

岳本日誤月

與之鑿

宋本鑿作醫

非年所種

宋本閩本監本毛本年作手是也

陳人從田無田從黨

陳樹華曰禮記檀弓正義引傳陳人下多有田二字案二字似以意增也

不知所與

淳熙本與作為非也

逢滑當公而進

釋文亦作逢滑石經此處殘缺閩本逢誤逢足利本滑作猾

暴骨如莽

足利本後人記云莽上有草字案注云草之生於廣野莽莽然故曰草莽此必因注文而誤衍也

食不二味

宋本以下正義五節摠入一日之行節注下

器不彤鏤

陸燾附注後錄云彤當作彫文相近而譌也惠棟云彤古彫字

本或天作無誤耳

監本天作作天是也

親巡其孤寡而共其乏困

石經宋本淳熙本岳本足利本無上其字

孫武兵書云

毛本書作法

將不言飢

閩本監本飢作饑案饑謂穀不熟也與飢餓字有別

必須軍士皆分熟食

宋本熟作熟下同

若單醵注流也

閩本監本毛本單作單

不足徧及軍人

閩本監本毛本足誤得

死知不曠

石經此處殘缺閩本監本知不字誤倒

過再至曰次

宋本淳熙本岳本纂圖本毛本至作宿不誤

澤彰曰陂

宋本監本毛本彰作鄣是也

宿有妃嬪嬪御焉釋文云嬪本又作膚或作牆石經初刻作牆後改嬪案錢大昕云說文無嬪字陸氏云云漢隸斗旁字或變从广膚與牆實一字也

為二十年越滅吳起本宋本淳熙本足利本脫本字

冬十一月石經宋本淳熙本岳本足利本無一字

經二年

納衛世子蒯聩于戚諸本作聩閩本毛本誤聩後同

傳二年

注三揖卿大夫士宋本以下正義廿節摠入兩鞠皆絕注下

土揖庶姓監本閩本毛本土作士非也

與外內同之纂圖本閩本監本毛本外內誤倒

宵迷

石經初刻作霄後改宵諸本同淳熙本迷誤述

又奔喪之袒宋本袒作禮不誤

免麻于宇東宋本監本毛本宇作序是也

狀如今之著慘頭矣宋本慘作慘是也

肥美呼居宋本監本毛本呼作可是也

反易天明石經初刻易誤亦後改正

十里百縣宋本淳熙本岳本纂圖本毛本十作千不誤

去廝役釋文廝作斯云字又作廝也按說文無廝字作斯乃古本也

志父趙簡子之一名也北宋刻本釋文亦作一監本毛本誤改閩本一字本刻

家國不為之諱宋本毛本作國家監本二字改刊非原刻也

不設屬辟

鄭注禮記喪大記賈公彥疏儀禮士喪禮引並作屬裨

記有柶棺梓棺柶謂椁也

閩本監本毛本柶作柶非也下同

謂杭木與茵也

監本杭作抗下同按說文抗字或从木作杭儀禮抗木亦作杭此作抗作杭皆可若今人杭州餘杭之字則字本作抗而譌改耳

此用車馬載者

閩本監本此用誤倒

無入于兆

石經宋本于作於

當世豈無騏驎乎

宋本乎作兮是也

故駒跡而遠去

監本駒誤駒

登鐵上

案酈道元注水經河水篇李善注文選長笛賦引上作上

施諸幣

宋本毛本施作柶是也

羅無勇麋之

段玉裁案廣韻十八物麋邱粉切引左傳無勇麋之束縛也蓋傳本作麋字所謂本無其字依聲託事也麋則後人所製俗字十七準又有麋字邱引切則更俗矣

釋君助臣

此本助誤時閩本同據宋本淳熙本岳本纂圖本監本毛本改正

鞅簡子名

毛本簡子誤節公

無折骨無面傷

惠棟云鄭司農注周禮大祝云無破骨無面夷案外傳晉惠公韓之誓曰將止無面夷死此求勝之辭故云無面夷

大命至敢愛

宋本至下有不字

在軍無珪璧故以佩玉

諸本脫玉字據宋本補監本珪作圭

傳叟曰

諸本作叟石經此本殘缺釋文云又作叟

公孫危稅焉

閩本監本危作龍非也

為范氏收周人所與田之稅

淳熙本收作取

我功為上

宋本淳熙本岳本纂圖本足利本無我字

冬蔡遷于州來

毛本脫冬字監本空闕

經三年

故推齊使為兵首

淳熙本使作師案正義本作使

自非霸王之命

閩本亦作王宋本監本毛本作主是也

子圍父也

宋本子下有不字與穀梁合

貪國以距父耳

重修監本貪誤食

今琅邪開陽縣

纂圖本毛本邪作琊案邪琊古今字

傳三年

注司鐸宮名

宋本以下正義四節摠入孔子在陳節注

雖易公小宮

宋本監本毛本易作是是也

庀具也

諸本作庀具此本誤它其今改正

宰人家宰之屬

宋本家作家

官人肅給

惠棟云石經似作宜人

猶拾瀋也

淳熙本拾誤洽

於是乎去表之橐

葉抄釋文亦作橐石經宋本岳本作橐从禾是也釋文云古老反

周匝公宮

宋本足利本匝作市

社諸侯親廟四焉

宋本監本毛本社作禮是也

劉氏范氏世為婚姻

淳熙本岳本婚作婚宋本作昏與石經合

至握國權

宋本至作既是也

欲付以從事

宋本岳本纂圖本監本毛本從作後是也

女也則肥也可

監本女改汝

當欲問不立康子之意

宋本立作位非也

荀寅至而出

宋本此節正義在癸丑奔節注下

又使其救已之徒

諸本作徒此本誤徒今改正

傳四年

葬滕頃公

淳熙本滕誤蔡

傳四年

蔡昭侯將如吳

顧炎武云石經蔡誤作葬案石經此處缺所據乃補刊本

承音懲蓋楚言

岳本言下有也字惠棟云承讀為懲經傳無文詩魯頌曰戎狄是膺荆舒是懲則莫

我敢承毛傳曰承止也傳言承者謂諸大夫皆欲止之也

注承音懲蓋楚言

宋本以下正義二節摠入注文盱即霍也之下

公孫盱

纂圖本閩本監本毛本盱作盱非也注同

為一昔之期

監本昔誤備

石師軍於倉野

郡國志倉作蒼

蒼野在上雒縣

宋本淳熙本岳本纂圖本閩本監本毛本蒼作倉郡國志引注縣下南字

注命大至監尹

宋本至字作夫別縣三字此節正義在而蓋俘以歸之下

少習商縣武關也

郡國志引注縣下有東字

與其五大夫

石經大字起以下兩行皆九字

弦施弦多

諸本作施此本誤施今改正

逆時

案水經濡水注引作曲逆漢封陳平為侯即是地也今諸本作逆時

遂墮臨

宋本此節正義在注弦施與鮮虞會也之下

經五年

傳五年

使為柏人

監本凡柏字皆作栢與石經不合同

昭子范吉射也

岳本脫也字

爾從主

此本主誤王閔本同據石經宋本淳熙本岳本纂圖本監本毛本改正

諸大夫恐其為大子也言於公曰君之齒長矣未有大子若

之何

案惠棟云服虔曰為子為大子也茶少故恐立之言君長未有大子一旦不諱當若之何欲齊侯早立也案今

本為子作為大子疑後人所增杜無注或杜所增也

閒於至無君

宋本以下正義二節摠入何黨之乎注下

不得飲樂

浦鏜正誤飲作歡

景公死乎不與埋

淳熙本埋誤理

哀羣公子失所

閩本子字空闕

注師眾也黨所也之往也至公子失所

宋本作師眾至失所

嬖大夫也

閩本監本毛本脫也字

詩曰至攸壆

宋本以下正義二節摠入不守其位節注下

民之攸暨

石經宋本淳熙本岳本暨作暨注同是也

附釋音春秋左傳注疏卷五十七

止

春秋左傳注疏卷五十七校勘記

附釋音春秋左傳注疏卷第五十八

哀公六年 盡十一年

杜氏注

孔穎達疏

經六年春城邾瑕

無傳備晉也任城亢父縣北有瑕 婁城。瑕音遐任音壬亢音浪反

又音剛 父音甫

○晉趙鞅帥師伐鮮虞。○吳伐陳。○夏

齊國夏及高張來奔

二子阿君廢長立少既受命又 不能全書名罪之也。長丁丈

反少詩 照反

○叔還會吳于相。○秋七月庚

寅楚子軫卒

未同盟而赴以名。軫 之忍反史記作珍字。○齊陽生入

于齊

為陳乞所 逆故書入。○疏注為陳乞所逆故書入。正義曰成 十八年傳例曰凡去國國逆而立之曰

入此為陳乞私逆既入 而此為陳乞依例書入也

齊陳乞弑其君荼

弑荼者朱 毛與陽生

也而書陳乞所以明乞立陽生而荼見弑則禍由乞始也楚 比劫立陳乞流涕子家憚老皆疑於免罪故春秋明而書之

以為弒主。○弒茶音試下皆同。○**疏**注弒茶至弒主。○正義曰實非陳乞弒茶而書乞弒其君者以茶死由乞故書乞弒也。此與楚公子比鄭公子歸生俱非弒君之首春秋顯而書之以為弒君之主所以惡此三人釋例曰諸懷賊亂以為心者故不容於誅也。若鄭之歸生齊之陳乞楚公子比雖本無其心春秋之義亦同大罪是以君子慎所以立也是說罪之意。○冬仲孫何忌帥師伐邾。○宋向巢帥師伐曹。無傳

傳六年春晉伐鮮虞治范氏之亂也。四年鮮虞納荀寅于

人。○吳伐陳復脩舊怨也。元年未得志故也。復扶又反。○楚子曰

吾先君與陳有盟不可以不救乃救陳師于

城父。陳盟在昭十三年。○正義曰昭十三年無楚與陳盟之事於

時楚既滅蔡使棄疾為蔡公子于子皙之入也。傳稱朝吳奉蔡公召二子而盟于鄧依陳蔡人以國是與陳人盟更許復

其國其年平王即位。○齊陳乞偽事高國者。高張國夏受命

立茶陳乞欲害之故先偽事焉。○每朝必驂乘焉所從必言諸大

夫。言其罪過。乘繩證反。○曰彼皆偃蹇將棄子之命。偃蹇

○偃約免反蹇紀。○皆曰高國得君必偪我盍

去諸固將謀子子早圖之圖之莫如盡滅之

需事之下也。需疑也。偪音逼盍戶臘反去起呂反下同需音須一音懦弱持疑也。○**疏**

需事之下也。○正義曰需是懦弱之意懦弱持疑不能決斷是為事之下者勸其決斷而盡殺之。○及朝則

曰彼虎狼也見我在子之側殺我無日矣請

就之位。欲與諸大夫謀高國故求就之。○又謂諸大夫曰二子者禍

矣恃得君而欲謀二三子曰國之多難貴寵

之由盡去之而後君定既成謀矣盍及其未

作也先諸作而後悔亦無及也大夫從之夏

六月戊辰陳乞鮑牧牧鮑圍孫。難乃旦。反鮑州牧之牧。及諸大

夫以甲入于公宮昭子聞之與惠子乘如公

戰于莊敗高國敗也莊六軌之道。乘繩證反。國人追之國夏奔

莒遂及高張晏圍弦施來奔晏圍嬰之子圍施不書非卿。圍魚呂反。

○秋七月楚子在城父將救陳卜戰不吉卜

退不吉王曰然則死也再敗楚師不如死前已

敗於柏舉今若疏注前已至是敗。正義曰劉炫言卜不

言退還亦是敗非也以規杜氏今知劉非者杜言退還亦是

敗者以傳卜退不吉是不得好退是雖欲退還亦必敗也故

云退還亦是敗但文不委悉劉以為棄盟逃讎亦不

如死死一也其死讎乎命公子申為王不可

則命公子結亦不可則命公子啓申子西結子期啓子閭皆

昭王五辭而後許將戰王有疾庚寅昭王攻

大冥卒于城父大冥陳地吳師所在。辭本又作辭說文云辭不受也受辛宜辭也辭籀文冥

亡丁子閭退曰君王舍其子而讓羣臣敢忘

君乎從君之命順也從命許立。舍音捨。立君之子亦順

也二順不可失也與子西子期謀潛師閉塗

逆越女之子章立之而後還潛師密發也閉塗不通外使也越女昭王

妾章是歲也有雲如衆赤鳥夾日以飛三日

惠王

楚子使問諸周大史周大史曰其當王身乎

日為人君妖氣守之故以為當王身雲在楚上唯楚見之故禍不及他國。夾古洽反大音泰下同
疏問諸大史。正義曰服虔云諸侯皆有大史主周所賜典籍故曰周大史。一曰是時往問周大史杜以問周大史於文自明故不煩。若禘之可移於令尹司馬。崇禴祭。崇音詠禴如羊反。王

曰除腹心之疾而寘諸股肱何益不穀不有

大過天其天諸有罪受罰又焉移之遂弗禘

初昭王有疾卜曰河為祟王弗祭大夫請祭

諸郊王曰三代命祀祭不越望

諸侯望祀竟內山川星辰。實之鼓反天於表反焉於虔。反崇息遂反竟音境
疏不穀至移之。正義曰言已若無罪天乃下罪有罪。江漢雖章楚之望也。四水在楚界受罰又焉移之。江漢雖章楚之望也。○雖七餘反

漳音
疏注四水在楚界。正義曰地地名江經南郡江夏

陽至南郡枝江縣入江漳經襄陽至南郡當陽入江是四水皆在楚界也
禍福之至不是

過也不穀雖不德河非所獲罪也遂弗祭孔

子曰楚昭王知大道矣其不失國也宜哉夏

書曰惟彼陶唐帥彼天常

逸書言堯循天之常道。楚昭王知大道矣本或作天道非夏戶雅反下注同此語在尚書
有此冀方

今失其行亂其紀綱乃滅而亡

滅亡謂夏桀也唐孟反尚書作厥道乃滅而亡尚書作乃底滅亡
疏而亡。正義曰此夏書五子之歌第三章也彼云惟彼陶唐有此冀方今失厥道亂其紀綱乃底滅亡此多帥彼天常一句又字小異者文經篆隸師讀不同故兩存之賈服孫杜皆不見古文以為逸書解為夏桀之時唯王肅云太康時也案王肅注

尚書其言多是孔傳疑肅見古文匿之而不言也堯治平陽舜治蒲坂禹治安邑三都相去各二百餘里俱在冀州統天下四方故云又曰允出茲在茲由已率常可矣又書言信出已則福亦在已。八月齊邴意茲來奔。陳僖子

使召公子陽生召在七月今在八月疏正義曰經書陽

生入齊文在七月之下知其召在七月也今傳在八月下者欲令下接十月立之是記事之次也邴意茲來奔者自以高國之黨八月來奔耳僖子使召陽生自以七月之時別使人召之非遺意茲召也賈逵以傳文相連謂遣意來召又怪其日月錯誤云其說未聞杜以陽生駕而見南郭且于且于齊公子鉏在魯南郭。且子餘反。曰嘗獻馬於季孫不入於上

乘故又獻此請與子乘之畏在家人聞其言故欲

出萊門而告之故魯郭闕止知之先待

諸外闕止陽生家臣子我也待公子曰事未可知

反與壬也處壬陽生子簡公戒之遂行戒使無與

列反逮夜至於齊國人知之故以昏至不欲令人知也

僖子使子士之母養之隱於僖子家內與

饋者皆入陳僖子又令陽生隨饋食之冬十月丁

卯立之將盟盟諸大夫鮑子醉而往其臣差車鮑

點點鮑牧臣也差車主車之官曰此誰之命也陳

子曰受命于鮑子遂誣鮑子曰子之命也見其

之鮑子曰女忘君之為孺子牛而折其齒乎

而背之也孺子茶也景公嘗銜繩為牛使茶牽之茶頓地故折其齒。女音汝折之舌反又市列反

注同背音佩

悼公稽首

悼公陽生

曰吾子奉義而行

者也若我可不必亡一大夫

言已可為君必不怨鮑子

若我

不可不必亡一公子

公子自謂也恐鮑子殺已故要之。要一逼反

義則進

否則退敢不唯子是從廢興無以亂則所願

也鮑子曰誰非君之子乃受盟

言陽生亦君之子固可立

使

胡姬以安孺子如賴

胡姬景公妾也賴齊邑安號也

去鬻媼

茶之母

去起

殺王甲拘江說囚王豹于句賣之

三子景公

呂反

公使朱毛告於陳子

朱毛齊大

夫

曰微子則不及此然君異於器不可以一器

二不匱君二多難敢布諸大夫僖子不對而

泣曰君舉不信羣臣乎

舉皆也。匱其位反難乃且反

以齊國

之困困又有憂

內有飢荒之困又有兵革之憂

少君不可以訪是

以求長君庶亦能容羣臣乎不然夫孺子何

罪毛復命公悔之

悔失言。少詩照反長丁文反夫音扶孺或作鴉同

毛曰

君大訪於陳子而圖其小可也

大謂國政小謂殺茶

使毛

遷孺子於駘不至殺諸野幕之下葬諸及冒

淳

恐駘人不從故毛駐於野張帳而殺之駘齊邑及冒淳地名實以冬殺經書秋者史書秋記始事遂連其死通

以冬告魯。駘他才反又徒來反幕音

疏

注實以至告魯正義曰傳言十

莫及音殊冒亡報反淳音純駐中住反月立陽生陽生既立之後方遣朱毛殺茶則茶死在冬經書

為秋殺者記陽生初事入齊之始遂連茶死二事通以冬始來告言陽生秋入茶以

秋死故並書於秋也

經七年春宋皇瑗帥師侵鄭○晉魏曼多帥

師侵衛○夏公會吳于鄆鄆今琅邪鄆縣○瑗于春反鄆本又作繒才陵反

○秋公伐邾八月己酉入邾以邾子益來他國言歸

於魯言來內外之辭○宋人圍曹○冬鄭駟弘帥師救曹

傳七年春宋師侵鄭鄭叛晉故也定八年鄭始叛晉

師侵衛衛不服也五年晉伐衛至今未服○夏公會吳于

鄆吳欲霸中國吳來徵百牢子服景伯對曰先王

未之有也吳人曰宋百牢我是時吳過宋得百牢牢力刀反過古禾

反魯不可以後宋且魯牢晉大夫過十晉大夫范

鞅也在昭二十一年後如字又戶豆反吳王百牢不亦可乎景伯曰

晉范鞅貪而棄禮以大國懼敝邑故敝邑十

一牢之君若以禮命於諸侯則有數矣有常數疏

吳王百牢○正義曰王制云君十卿祿魯牢晉大夫過十故吳王自謂合得百牢○注有常數○正義曰周禮大行人云上公九牢侯伯七牢子男五牢是常數也

若亦棄禮則有淫者矣淫過

周之王也制禮上物不過十二上物天子之牢○上如字一音時掌

反注疏注上物天子之牢○正義曰周禮掌客云王合諸侯而饗禮則具十有二牢鄭玄云饗諸侯而用王

禮之數者以公侯伯子男盡在是兼饗之莫適用也以莫適用故用王禮是天子之禮十二牢也郊特牲云天子適諸侯

諸侯膳用饋諸侯適天子天子賜之禮大牢貴誠之義也如彼記文諸侯共天子之膳唯一饋耳而得有十二牢者若是

天子大禮必以十二為數其餘共王之膳食自用饋為食耳非謂獻大禮者唯一饋也以為天之

大數也天有十二次今棄周禮而曰必百牢亦

故制禮象之

唯執事吳人弗聽景伯曰吳將亡矣棄天而

背本違周為疏棄天而背本。正義曰棄十二不與

必棄疾於我放棄凶疾乃與之太宰嚭召季康

子嚭吳大夫康子使子貢辭大宰嚭曰國君道長

蓋言君長大於道路。而大夫不出門此何禮也

對曰豈以為禮畏大國也畏大國不敢大國不

以禮命於諸侯苟不以禮豈可量也寡君既

共命焉其老豈敢棄其國大伯端委以治周

禮仲雍嗣之斷髮文身羸以為飾豈禮也哉

有由然也大伯周大王之長子仲雍大伯弟也大伯仲

無子仲雍嗣立不能行禮致化故效吳俗言其權時制宜以辟災害非以為禮也端委禮衣也。共音恭大伯音泰注同斷丁管反羸本又作疏注大伯至衣也。正義曰吳世家王季歷之兄也季歷賢而有聖子昌大王欲立季歷以及昌於是大伯仲雍二人乃奔荆蠻文身斷髮示不可用大伯之奔荆蠻自號句吳荆蠻義之從而歸之千餘家立為吳大伯大伯卒無子弟仲雍立是說大伯仲雍適吳之由也魯人不堪吳責故舉吳之上祖以許之二人同時適吳而大伯端委仲雍斷髮者大伯初往未為彼君故服其本服自治周禮及變俗仲雍為彼人主不能用周人之禮致中國之化故文身斷髮放效吳俗言其權時制宜以辟蛟龍之害應劭曰常在水中故地理志云越人文身斷髮以辟蛟龍之害應劭曰常在水中故斷其髮文其身以象龍子故不見傷害杜言辟害辟此蛟龍之害大伯之時未有周禮言治周禮者謂治其本國岐周之禮非周公所制禮也羸以為飾者羸其身體以文身為飾也端委禮衣者王肅云委貌之冠玄端之衣也此傳言大伯端委仲雍斷髮史記云二人皆文身斷髮然則文身斷髮自辟害耳史記以為示不可用二人亡去遠適荆蠻則周人不知

其處何以須示不可
用也皆馬遷繆耳
反自郢以吳為無能為也

能霸也
季康子欲伐邾乃饗大夫以謀之子

服景伯曰小所以事大信也大所以保小仁

也背大國不信
大國也
伐小國不仁民保於城城

保於德失二德者危將焉保
二德信與仁也
子孟

孫曰二三子以為何如
怪諸大夫不
言故指問之
惡賢而逆

之
孟孫賢景伯欲使大夫不逆其
言惡猶安也
惡音烏注同
對曰禹合諸侯

於塗山執玉帛者萬國
諸大夫對也諸侯執玉帛
庸執帛塗山在壽春東北

疏
注諸侯至執帛
正義曰周禮大宗伯云以玉作六瑞
以等邦國公執桓圭侯執信圭伯執躬圭子執穀璧男

執蒲璧是諸侯執玉也
典命云諸侯之適子未誓於天子以
皮帛繼子男是世子執帛也知附庸執帛者以世子既繼子

男附庸君亦繼子男公之孤四命以皮帛視小國之君附庸

無爵雖不得同於子男其位不卑於世子與公之孤也諸侯

世子各稱朝附庸君亦稱朝是與世子相似故知執帛也且

附庸是國此言執玉帛者萬國而執帛唯附庸耳知附庸

執帛也案尚書有三帛公之孤諸侯世子附庸君此唯言附

庸者以傳云禹合諸侯又云執玉皆據君身言之故不數世

子及孤也下云萬國故唯據附庸言之王制云不能五十里

者不合於天子附於諸侯曰附庸鄭玄云不合謂不朝會也

小城曰附庸附庸者以國事附於大國未能以其名通也如

彼云附庸不得朝會而禹會萬國有附庸者附庸不得特達

天子耳禹會諸侯諸國盡至附庸從其所附之國共見天子

故有執帛者言萬國者舉盈數耳鄭玄注尚書以為數正滿

萬國案益稷州十有二師鄭以為每一師領百國州十有二

師則每州千二百國畿外八州摠九千六百國其餘四百國

在畿內州得有千二百國者以唐虞土方萬里九州之內地

方七千里七州各為千里方六千九百其方一為畿內餘
四十八州分之州各有千里之方六千九百其方一為畿內
百里之國二百又以千里之方二為七千里之國四百又以
千里之方二為五百里之國八百摠為一千四百國去其方
五十里之國二百是州別千二百國也鄭玄云畿內四百國

之邾茅夷鴻以東帛乘韋自請救於吳無君命故

言自。乘繩證反下及注同。曰魯弱莒而遠吳馮恃其衆馮依

皮冰反注同。而背君之盟辟君之執事辟陋。辟匹亦反注同。以

陵我小國邾非敢自愛也懼君威之不立君

威之不立小國之憂也若夏盟於郟衍郟衍即郟也

盟不書吳行夷禮禮儀不典非所以結信義故不錄秋而背之成求而不違魯言

成其所求無違逆也四方諸侯其何以事君且魯賦八百

乘君之貳也貳敵也魯以八百乘之賦貢於吳言其國大邾賦六百乘

君之私也為私屬以私奉貳唯君圖之吳子從

之為明年吳伐我傳。宋人圍曹鄭桓子思曰宋人有

曹鄭之患也不可以不救桓冬鄭師救曹侵

宋初曹人或夢眾君子立于社宮社宮社也疏或

眾君子。正義曰曹人夢見多人不識姓名故唯云眾君子也服虔云眾君子諸國君妾耳。而謀亡曹

曹叔振鐸請待公孫彊許之振鐸曹始祖。鐸待洛反注同彊其良反

旦而求之曹無之戒其子曰我死爾聞公孫

彊為政必去之及曹伯陽即位好田弋曹鄙

人公孫彊好弋獲白鴈獻之且言田弋之說

說之因訪政事大說之有寵使為司城以聽

政夢者之子乃行彊言霸說於曹伯曹伯從

之乃背晉而奸宋宋人伐之晉人不救築五

邑於其郊曰黍丘揖丘大城鍾邗

為明年入曹傳也梁國下邑縣

西南有黍丘亭。好呼報反下同。弋以職反。繳射也。之說如字。說之音悅。下大說同。霸說如字。一音始。銳反。奸音干。揖音集。一音於入。
疏 好田弋。正義曰。周禮司弓矢云。矰矢用反。邗音于。諸弋射鄭立云。結繳於矢。謂之矰。矰高也。可以弋飛鳥。說文云。繳生絲也。謂用生絲為繩。繫矢以射鳥也。

經八年春王正月宋公入曹以曹伯陽歸

曹人

背晉而好宋是以致討宋公既還而不忍褚師之詬怒而反兵一舉滅曹滅非本志故以入告。褚中呂反。詬呼豆反。
疏 注曹人至入告。正義曰。傳例曰。不有其地曰入案。傳宋實滅曹而有之。經書為入故杜原其事而解之。

吳伐我夏齊人取讎及闡

不書伐兵未加而魯與之邑闡在東平劉

縣北。讎音。取讎及闡。正義曰。公羊穀梁以為賂齊歡闡尺善反。謂前年魯伐邾取邾子益益是齊甥畏齊故賂之非左氏意也。
○歸邾子益于邾○秋七月○冬十有

二月癸亥杞伯過卒

無傳未同盟而赴
疏 杞伯過以名。過古禾反。

義曰。世族譜云。僖公過悼公會孫案。悼公祖文公。以昭六年卒。父平公。以昭二十四年卒。悼公以定四年卒。未應有曾孫可以授之國也。杞世家。僖公過是悼公之子。疑譜誤。
○齊人歸讎及闡 不言來命使也。使。注不言至使也。正義曰。定齊人來所吏反。
疏 歸邾讎龜陰。因此不言來故解之。

傳八年春宋公伐曹將還褚師子肥殿

子肥宋大

夫。殿子練。曹人詬之不行。詬詈辱也。不行殿兵止也。反下注同。詬本又作詢。呼豆反。詈力智。
師待之公聞之怒命反之遂滅曹執曹

伯及司城彊以歸殺之

終曹人之夢

○吳為邾故

將伐魯問於叔孫輒

問可伐否輒故魯人。為于偽反。下注為之同。
疏 於

叔孫輒。正義曰。定十二年叔孫輒與公山不狃帥費人以襲魯兵敗奔于齊。後自齊奔吳。吳子令問之。
叔孫

輒對曰魯有名而無情

有大國名無情實

伐之必得

志焉退而告公山不狃

不狃亦故魯人狃女九反

公山不

狃曰非禮也君子違不適讎國

違奔亡也

疏

國。正義曰謂有故而去者也本國於已無大讎怨已無報怨之心則違而不適讎國武王數紂之罪以告眾云撫我則后虐我則讎若父本無罪而枉被誅殺如伍員之徒志在復讎適國亦可矣不得以此言格之也若父以罪而受誅者如鬬辛之徒本自不合怨君故辛亦不敢怨也

未臣而有伐之奔命焉死

未臣所適之國若有伐本國者則

疏

注未臣至其難。正

義曰既臣之後則身是新君之臣性命非復已有故不復得為舊君死節也若未有臣服則舊君之恩未絕故可還奔舊君之命死其難也言奔命則有命乃奔之若命不及亦不當還

且夫人之行也不以所惡廢鄉

不以其私怨惡廢棄

惡而欲覆宗國不亦難乎

輒魯公族故謂之宗國。覆芳服反

使子率子必辭王將使我子張疾之

子張輒也

若使子率。正義曰率謂在軍前引道率領先行非為軍之將帥也故不狃云子辭王將使我以其知魯道者唯此二人故也

王問於子洩

子洩不狃。洩息列反又作泄

對曰魯雖無與立

之未可以得志焉晉與齊楚輔之是四讎也

夫魯齊晉之脣脣亡齒寒君所知也不

救何為三月吳伐我子洩率故道險從武城

初武城人或有因於吳竟

故由險道欲使魯成備。子洩率絕句故道險絕句

與魯而四

其鄉黨之好。夫音符行下孟反又如字惡烏路反又如字注同好呼報反下文好焉同

春秋左傳卷五十五

田焉

僑田吳界。竟音境僑其驕反。

拘鄆人之漚。營者曰何故

使吾水滋

鄆人亦僑田吳滋濁也。拘音俱下同漚烏豆反管古顏反滋音立本亦作茲子絲反字

林云黑也

及吳師至拘者道之以伐武城克之

鄆人教吳必可

克。道音導

王犯嘗為之宰澹臺子羽之父好焉國

人懼

王犯吳大夫故嘗奔魯為武城宰澹臺子羽武城人孔子弟子也其父與王犯相善國人懼其為內應。

澹待甘反應

疏

及吳至人懼。正義曰杜意拘者道之以伐武城克之謂語吳人云若伐武城必可

克之吳人王犯嘗為武城之宰與澹臺子羽之父相善國人懼者謂武城邑懼子羽為吳內應劉炫以為實克武城今知非者以下傳始云王犯嘗為之宰國人懼是未得武城故知此克之是鄆人教吳之語劉以為伐武城克之者實克武城國人懼者懼其害魯若然吳師既來伐魯是顯然行兵不須云王犯嘗為之宰文繼武城之下是為武城之宰澹臺子羽又是武城之人皆據武城而言故知恐為武城內應傳載漚

管事者說來伐武城之由劉妄生異見而規杜也

懿子謂景伯若之何對

曰吳師來斯與之戰何患焉且召之而至又

何求焉

言犯盟伐邾所以召吳

吳師克東陽而進舍於五

梧明日舍於蠶室

三邑魯地

公賓庚公甲叔子與

戰于夷獲叔子與析朱鉏

公賓庚公甲叔子并析朱鉏為三人皆同車傳

互言之。析星歷反注及下同

獻於王王曰此同車必使能國未

可望也

同車能俱死是國能使入故不可望得

明日舍于庚宗遂次

於泗上微虎欲宵攻王舍

微虎魯大夫泗音四

私屬徒

七百人三踊於幕庭

於帳前設格令士試躍之。屬音燭幕亡博反格更百反令力

呈反躍羊灼反

卒三百人有若與焉

卒終也終得三百人任行有若孔子弟子與在

三百人中。與音。及稷門之內。三百人行。至稷門。或謂季孫

曰不足以害吳而多殺國士不如已也乃止

之吳子聞之一夕三遷。畏微虎。三息暫反。吳人行成。與求

成將盟景伯曰楚人圍宋易子而食析骸而

爨。在宣十五年。骸戶皆反本又作骨爨七亂反。猶無城下之盟我未及

虧而有城下之盟是棄國也吳輕而遠不能

久將歸矣請少待之弗從景伯負載造於萊

門。以言不見從故負載書將欲出盟。虧去危反。疏。注

輕遣政反載如字或音戴造七報反萊音來。言至出盟。正義曰劉炫云載書盟主所制自當吳人爲之何由復出魯國又載書數簡之文耳何須負之且諸言載書未有單稱載者以爲負載器物欲往質於吳以規杜今杜知負載是負載書者以周禮司盟掌盟載之事故傳云土莊子

爲載書此上有將盟之文下即云負載之事故知是載書也劉以負載謂背負器物然則景伯魯之大夫親自負物不近人情而規杜過非也乃請釋子服何於吳吳人許之以王

子姑曹當之而後止。釋舍也魯人不可以盟爲了欲因留景伯爲質於吳既得吳之許復求吳王之子以交質吳人不欲留王吳人盟而還。不

子故遂兩止。質音致下同復排又反。吳人盟而還。書

盟恥。○齊悼公之來也。在五年。季康子以其妹妻

之即位而逆之季魴侯通焉。魴侯康子叔父。○女妻七計反魴音房

言其情弗敢與也齊侯怒夏五月齊鮑牧帥

師伐我取謹及闡或譖胡姬於齊侯。胡姬景公妾。○曰

安孺子之黨也六月齊侯殺胡姬。傳言齊侯無道所以不終

齊侯使如吳請師將以伐我乃歸邾子。齊未得季姬故

春秋左傳卷之八

請師也吳前為邾討魯懼二國春秋卷五十八 邾子又無道吳子使

同故歸邾子為于偽反 大宰子餘討之子餘大宰詔 囚請樓臺梏之以棘

梏雍也梏本又作 使諸大夫奉大子革以為政

荇在薦反雍於勇反 秋及齊平九月臧賓如如

齊涖盟賓如臧會子 齊閭丘明來涖盟明閭丘嬰之子也盟不書諱略

之疏注明間至略之正義曰魯以淫女見伐喪邑又屈服求盟是可恥之事二盟皆不書者諱其惡而略之

且逆季姬以歸嬖季姬鮑侯所通者 鮑牧又謂羣公子

曰使女有馬千乘乎有馬千乘使為君也鮑牧本不欲立陽生故諷勳羣公子 女

音汝乘繩證反注 公子慤之公謂鮑子或譖子

子姑居於潞以察之潞齊邑○慤音素潞音路 若有之

則分室以行若無之則反子之所出門使以

三分之一行半道使以二乘及潞麋之以入

遂殺之麋亦束縛麋丘隕反 冬十二月齊人歸讙及闡

季姬嬖故也

經九年春王二月葬杞僖公無傳三月 宋皇

瑗帥師取鄭師于雍丘書取覆而敗之雍丘縣屬陳留○雍於勇反 疏

注書取覆而敗之正義曰莊十一年傳例曰覆而敗之曰取某師釋例曰覆者謂威力兼備若羅網之所掩覆一軍皆見禽制故以取為文專制之辭也案傳鄭師圍宋雍丘宋皇瑗復於鄭師之外築壘使合表裏受敵無處可逃子姚救之又大敗而宋師乃號令使有能者無死是其合 夏楚人軍盡禽敵人制其死命是於例正合書取也

伐陳○秋宋公伐鄭○冬十月

傳九年春齊侯使公孟綽辭師于吳齊與魯平故辭

吳師。綽昌灼反本又作卓同吳子曰昔歲寡人聞命今又革

之不知所從將進受命於君為十年吳伐齊傳○鄭武

子賸之嬖許瑕求邑無以與之賸罕達也瑕武子之屬。賸以

證請外取許之瑕請取於他國故圍宋雍丘宋皇瑗圍

鄭師許瑕師每日遷舍作壘斬成輒徙舍合其圍壘力軌反塹七豔反壘

合鄭師哭子姚救之大敗子姚武子賸也一月甲戌

宋取鄭師于雍丘使有能者無死惜其能也以邾

張與鄭羅歸鄭之有能者。邾古洽反又音甲○夏楚人伐陳陳

即吳故也○宋公伐鄭報雍丘○疏宋公伐鄭○正義曰虛舉經文者為

下趙鞅救鄭起并以終上取鄭師之事也○秋吳城邗溝通江淮於邗江築城穿

溝東北通射陽湖西北至未口入淮通糧道也○晉趙鞅

卜救鄭遇水適火水火之兆○疏遇水適火○正義曰服

橫者為土立者為木邪向經者為金背經者為火因兆而細曲者為水占諸史趙史墨

史龜皆晉史史龜曰是謂沈陽火陽得水故沈可以興兵

兵陰類也故可以興兵利以伐姜不利子商姜齊姓子商謂宋伐齊

則可敵宋不吉史墨曰盈水名也子水位也

趙鞅姓盈宋姓子水位○疏注趙鞅至水位○正義曰秦

乃行于姓又得北方水位○疏本紀秦伯翳之後為嬴姓也

趙世家云趙氏之先與秦同祖其伯翳後世為盈涖蜚廉有

子二人一曰惡來其後為秦一曰季勝其後為趙今卜趙鞅

伐宋故以贏子名位敵不可干也二水俱盛故言不可干炎

二姓為占也

帝為火師

神農有火瑞以火名官

姜姓其後也水勝火伐

姜則可史趙曰是謂如川之滿不可游也

既盈

而得水位故為如川之滿不可馮游言其波流盛。游音由馮皮冰反

鄭方有罪不可

救也

鄭以嬖寵伐人故以為有罪

救鄭則不吉不知其他

則當

伐宋故

陽虎以周易筮之遇泰

乾下坤上泰

之需

不吉也

乾下坎上需泰六

疏

遇泰之需。正義曰乾下坤上泰乾為天地交合萬物大通故名此卦

下象曰天地交泰泰者大也天地交合萬物大通故名此卦

為泰乾下坎上需永曰需須也言雲在天上須散而為雨故名此卦

曰宋方吉不可與也

不可與戰泰六五曰帝乙歸妹以祉元吉易之文也既引其文又

解其意帝乙紂父殷本紀文也易之爻位五為天子故於六

紂父五為天子故稱帝乙陰而得中有似王

疏

注不可至

者嫁妹得如其願受福祿而大吉。祉音恥

義曰泰六五曰帝乙歸妹以祉元吉易之文也既引其文又

解其意帝乙紂父殷本紀文也易之爻位五為天子故於六

五之爻稱帝乙也其象曰以祉元吉中以行願六是陰爻也五是上體之中居天子之位陰而得中有似王者嫁妹得如其願受福祿而大吉王弼云婦人謂嫁曰歸泰者陰陽交通之時也女處尊位履中居順降身應二感以相與用中行願不失其禮帝乙歸妹誠合斯義履順居中行願以祉盡夫陰陽交配之宜故元吉也杜說與彼同案易稱高宗伐鬼方者實伐之帝乙歸妹者實嫁之其女有賢德名聞昭著故得載之易象但書典散亡不知嫁與何人為誰之妻

子啓帝乙之元子也宋鄭甥舅也

宋鄭為昏姻甥舅之國宋

為微子之後今卜得

疏

宋鄭甥舅。正義曰宋鄭異姓必

帝乙卦故以為宋吉

嫁娶往來或可時實有親故為甥

甥輒言甥舅者言其昏姻勢敵則無

以相傾宋有福鄭必衰言鄭不可助也

祉祿也若帝乙

之元子歸妹而有吉祿我安得吉焉乃止

彼則我伐

冬吳子使來倣師伐齊

前年齊與吳

之為不吉

與魯成而止故吳恨之

反與魯伐齊。倣音景

與魯成而止故吳恨之

反與魯伐齊。倣音景

反與魯伐齊。倣音景

反與魯伐齊。倣音景

反與魯伐齊。倣音景

反與魯伐齊。倣音景

反與魯伐齊。倣音景

反與魯伐齊。倣音景

反與魯伐齊。倣音景

反與魯伐齊。倣音景

反與魯伐齊。倣音景

反與魯伐齊。倣音景

經十年春王二月邾子益來奔疏邾子益來奔

年歸邾子益于邾傳云邾子又無道吳子使大宰子餘討之因諸樓臺栝之以棘蓋將歸吳而囚之今言來奔當是自吳逃而來適魯傳稱齊甥也遂奔齊經不復書其奔齊者凡諸來奔既至魯而更復奔他國者已去其位略賤之不復書齊慶封亦

是也 ○公會吳伐齊書會從不與 疏注書會至與

往年吳來傲師是與我謀也而從不與謀者與謀者謂彼此和同計謀然後共伐則是我為伐主故言及某同行不與謀者謂彼心自定遣來召我則彼為伐主我往會之故言會某伐某今吳伐齊之意已定傲師者來召魯耳於例止當言會故從不與

謀之文 ○三月戊戌齊侯陽生卒弒以疾赴故不書

疏注以疾至書弒 ○正義曰傳稱齊人弒悼公赴于師則陽生被弒矣而經書卒是以疾死赴也襄七年鄭伯髡頑卒于鄆傳稱子駟使賊夜弒僖公而以瘞疾赴于諸侯知此亦以疾死赴故不書弒也八年臧賔如齊泄盟齊閭丘明來泄盟是再同盟故

赴以名杜不言略之 ○夏宋人伐鄭無 ○晉趙鞅

帥師侵齊 ○五月公至自伐齊無 ○葬齊悼公

無 ○衛公孟彊自齊歸于衛無 傳書歸齊納 疏注

歸齊納之 ○正義曰定十四年衛公孟彊出奔鄭自鄭奔齊故今自齊歸衛也成十八年傳例曰凡去其國諸侯納之曰歸此書自齊歸

知是齊納之 ○薛伯夷卒無 傳赴以名 疏注赴以名

義曰定十三年薛弒其君比此夷當 ○秋葬薛惠公無

代為君爾來未同盟而赴以名故書 ○葬薛惠公無

○冬楚公子結帥師伐陳 ○吳救陳季子不書 陳

名 疏注季子至以名 ○正義曰傳稱延州來季子救陳即名今不書者陳人來告不以名也

傳十年春邾隱公來奔齊甥也故遂奔齊終

言貢之公會吳子邾子邾子伐齊南鄙師于鄆齊

地邾邾不書兵并屬吳不列於諸侯。齊人弒悼公赴于

師以說吳。弒申志反。吳子三日哭于軍門之外徐承帥

舟師將白海入齊齊人敗之吳師乃還承大夫

○夏趙鞅帥師伐齊經書侵以侵告大夫請卜之趙孟

曰吾卜於此起兵謂往歲卜伐宋不吉利以伐姜故令與兵事不再令

再令瀆也卜不襲吉襲重也。龍反又直用反。行也於是乎取犁

及轅犁一名隰濟南有隰陰縣祝阿縣西有轅城。犁力

隰音疏注犁一名隰。正義曰犁即犁也。二十三年傳

同稱齊晉戰于犁丘知伯親禽顏庚庚即涿聚也。二

日濕之役而父死焉是犁一名隰。毀高唐之郭侵及

賴而還。○秋吳子使來復傲師伐齊未得去故為明年吳伐齊傳。

復扶又反○冬楚子期伐陳陳即吳故吳延州來季子救

陳謂子期曰二君不務德二君吳楚而力爭諸侯

民何罪焉我請退以為子名務德而安民乃

還季子吳王壽夢少子也壽夢以襄十二年卒至今七十

七歲壽夢卒季子已能讓國年當十五六至今蓋九十

餘。夢音蒙。疏注季子至十餘。正義曰襄昭之傳稱延

少詩照反。州來季子者皆是季札也。此說務德安民

是大賢之事亦當是札故計跡其年言雖老猶能將兵也。孫

毓以為季子食邑於州來世稱延州來季子猶趙氏世稱知

伯延州來季子或是札之子與孫也

經十有一年春齊國書帥師伐我。○夏陳轅

頗出奔鄭書名貪也。頗破。可反又普多反。○五月公會吳伐齊

○甲戌齊國書帥師及吳戰于艾陵齊師敗

績獲齊國書

公與伐而不與戰艾陵齊地。艾五蓋反與伐音預下同。

○秋七月

辛酉滕子虞母卒

無傳赴以名故書之。

疏

正義曰四年滕子

結卒虞母代結為君爾來未同盟來赴故書也。

○冬十有一月葬滕隱公

無傳

○衛世叔齊出奔宋

書名淫也。

傳十一年春齊為郕故

郕在前年。為于偽反。

國書高無

平帥師伐我及清

清齊地齊北盧縣東有清亭。平音普悲反。

季孫謂

其宰冉求

冉求魯人孔子弟子。

曰齊師在清必魯故也若

之何求曰一子守一子從公禦諸竟季孫曰

不能

自度力不能使二子禦諸竟。守手又反從才用反禦魚呂反亦作御竟音境度待洛反。

求曰

居封疆之間

封疆竟內近郊地。疆居良反。

季孫告二子

二子叔孫

孟孫也。

一子不可求曰若不可則君無出一子帥

師背城而戰不屬者非魯人也

屬臣屬也言不戰為不臣。

魯

之羣室眾於齊之兵車

羣室都邑居家。

一室敵車優

矣子何患焉二子之不欲戰也宜政在季氏

言一子恨季氏專政故不盡力。一子之不欲戰也宜絕句。

當子之身齊人伐魯

而不能戰子之恥也大不列於諸侯矣季孫

使從於朝

使冉求隨已之公朝。

俟於黨氏之溝

黨氏溝朝中地名。黨音

武叔呼而問戰焉

問冉求。

對曰君子有遠慮

小人何知懿子強問之對曰小人慮材而言

量力而共者也

言子所問非已材力所及故不能言。強其丈反共音恭。

武叔曰

是謂我不成丈夫也

知冉求非已不欲戰故不對。不成丈夫也本或作大夫非是

退而蒐乘

蒐閱。蒐所求反。乘繩證反。閱音悅。

孟孺子洩帥右師

孺子孟懿子之子武伯彘。孺而住反。彘直利反。

顏羽御邴洩為右二子孟氏臣。

邴音丙又

冉求帥左師管周父御樊遲為右

樊遲

魯人孔子弟子

季孫曰須也弱有子曰就用命

焉

雖年少能用命有子冉求也。少詩照反。

季氏之甲七千冉有以武

城人三百為已徒卒

步卒精兵。卒子忽反注同。

老幼守宮

次于雩門之外

雩音于。雩音于。南城門也。

五日右師從之

五日乃從言不

欲公叔務人

務人公為昭公子

見保者而泣

保守城者

曰事充

或作僂同音遙

政重

賦稅多

上不能謀士不能死何

以治民吾既言之矣敢不勉乎

既言人不能死已不敢不死

師及齊師戰于郊齊師自稷曲

稷曲郊地名

師不

踰溝樊遲曰非不能也不信子也請三刻而

踰之

與眾三刻約信

如之眾從之

如樊遲言乃踰溝

師入齊軍

冉求

右師奔齊人從之

逐右師

陳瓘陳莊涉泗

二陳齊大夫。瓘古奐反泗音四

孟之側後入以為殿

之側孟氏族也字反。殿

丁練

抽矢策其馬曰馬不進也

不欲伐善。抽勅雷反策初革反本

或作

林不狃之伍曰走乎

不狃魯士五人為伍敗而欲走

不狃曰

誰不如

我不知誰而欲走。誰不如如字一音而庶反注同

曰然則止乎不狃

曰惡賢

言止戰惡足為賢皆无戰志。惡音烏注同

徐步而死

徐行而死言魯非无

壯士但季孫不能使師獲甲首八十冉求齊人不能師不能

宵謀曰齊人遁謀間也。諜音牒遁冉有請從

之三季孫弗許孟孺子語人曰我不如顏羽

而賢於邴洩二子與孟孺子同子羽銳敏子羽顏

也敏疾也言欲戰我不欲戰而能默心雖不欲口不言奔。默本亦作嘿亡北反

洩曰驅之言驅馬公為與其嬖僮汪錡乘皆

死皆殞皆俱也。雙必計反僮本亦作童音孔子曰能

執干戈以衛社稷可無殤也時人疑童子當殤。殤音商八歲至十九

歲為疏注時人至當殤。正義曰喪服大功章云子女子

至十六為長殤十五至十二為中殤十一至八歲為下殤不

滿八歲以下皆為無服之殤其於服也長殤中殤降成人一

等下殤降二等此汪錡蓋長殤也時人疑其當降服又葬殤

之禮亦異成人檀弓云周人以般人之棺槨葬長殤以夏后

氏之壘周葬中殤下殤以有虞氏之瓦棺葬無服之殤是其異於成人也冉有用矛於齊

師故能入其軍孔子曰義也言能以義勇不書戰

徒賦封田以嫁公女封內之田有餘以為已大

器長器鍾國人逐之故出道渴其族轅咺進

稻醴梁糗暇脯焉糗乾飯也。暇况阮反稻醴音禮

米為之一音昌紹反暇脯丁亂疏稻醴梁糗暇脯。正義

反字亦作鍛加薑桂曰脯也疏曰周禮酒正辨五齊之

名二曰醴齊鄭立云醴猶體也成而汁滓相將如今之恬酒

矣則醴是濁酒也月令命作酒云秫稻必齊是以稻為醴也

釋草云蘩赤苗芑白苗郭璞曰今之赤梁粟白梁

粟皆好穀也內則鄭立注云暇脩捶脯施薑桂也喜曰何

其給也對曰器成而具具此曰何不吾諫對

曰懼先行恐言不從為郊戰故公會吳子伐

齊欲以報也五月克博壬申至于嬴博嬴齊邑也二縣皆屬泰山

中軍從王吳中胥門巢將上軍王子

姑曹將下軍展如將右軍三將吳大夫齊國書將

中軍高無平將上軍宗樓將下軍陳僖子謂

其弟書爾死我必得志書子占也欲獲死事之功宗子陽與

閻丘明相厲也相勸厲致死桑掩胥御國子國子國書

公孫夏曰二子必死亦勸勉也將戰公孫夏

命其徒歌虞殯虞殯送葬歌曲示必死殯必升反疏歌虞殯正義曰賈逵云

虞殯遣殯歌詩杜云送葬歌曲並不解虞殯之名禮啓殯而葬葬即下棺反日中而虞蓋以啓殯將虞之歌謂之虞殯歌者樂也喪者哀也送葬得有歌者蓋挽引之人為歌聲以助哀今之挽歌是也舊說挽歌漢初田橫之臣為之據此挽歌之有久矣晉初荀顛制禮以吉凶不雜送葬不宜有歌去之擊虞駿之云詩云君子作歌惟以告哀葬之有歌不為害也復存陳子行命其徒具含玉子行陳逆也具含玉亦示必死行如字又戶

郎反含戶暗反本又作哈公孫揮命其徒曰人尋約吳髮短約也八尺為尋吳髮短欲以繩貫其首揮許章反東郭書曰三戰必死於

此二二矣三戰夷儀五氏與今使問莖多以琴莖多齊人也六年

唯季反疏使問莖多以琴正義曰禮以物遺人謂之問二

是也曰吾不復見子矣言將死陳書曰此行也吾

聞鼓而已不聞金矣鼓以進軍金以退軍不聞金言將死也傳言吳師彊齊人皆自

知將疏

注鼓以至退軍。正義曰周禮太司馬教大閱之禮云中軍以鼙令鼓人皆三鼓

鳴鑼車徒皆行及表乃止鳴鑼且卻鄭注云進軍退軍鼓鐸同其所異者廢鑼而鳴鑼耳如鄭此言則進退皆有金鼓而杜云鼓以進軍金以退軍者周禮是教戰之法其臨敵之時欲戰則先擊鼓以動之欲退則先擊金以靜之故長勺之役公將鼓之是欲戰擊鼓也此傳云吾聞鼓而已不聞金矣是欲退擊金也。甲戌戰于艾陵

展如敗高子

齊上軍敗

國子敗胥門巢

吳上軍亦敗

王卒

助之大敗齊師獲國書公孫夏閭丘明陳書

東郭書革車八百乘甲首三千以獻于公

兵從故以勞公。卒子忽反乘繩證反從才用反又如字勞力報反將戰吳子呼叔孫

叔孫武叔州仇

曰而事何也

問何職

對曰從司馬

從吳司馬所命

王

賜之甲劔鉞曰奉爾君事敬無廢命叔孫未

能對衛賜進

賜子貢孔子弟子。鉞普悲反

疏

衛賜。正義曰子貢衛人故稱衛賜

州仇奉甲從君而拜

拜受

公使大史固歸國

子之元

歸於齊也元首也吳以獻魯

寘之新篋製之以玄纁

製薦也。寘之鼓反篋苦協反製音尉別本作製以玄纁許云反本亦作勳

加組帶焉寘書

于其上曰天若不識不衷何以使下國

言天識不善故

殺國子。組音祖衷音忠

○吳將伐齊越子率其眾以朝焉王

及列士皆有饋賂吳人皆喜唯子胥懼曰是

豢吳也夫

豢養也若人養犧牲非愛之將殺之。饋其位反或作餽賂音路豢音患夫音扶

諫

曰越在我心腹之疾也壤地同而有欲於我

欲得

夫其柔服求濟其欲也不如早從事焉

吳

擊得志於齊猶獲石田也無所用之石田不越

不為沼吳其泯矣使醫除疾而曰必遺類焉

者未之有也盤庚之誥曰其有顛越不共則

剿殄無遺育無俾易種于茲邑盤庚商書也顛越不共從橫不

承命者也剿割也殄絕也育長也俾使也易種轉生種類也

沼之兆反泯亡軫反盤步干反誥古報反共音恭注同剿魚

器反殄大典反俾必耳反種章

勇反注同從子容反長丁丈反

疏注盤庚至種類。正義曰彼文云顛越不恭暫

遇姦宄我乃剿殄滅之無遺育無俾易種于茲新邑此傳字

少於彼引之略也孔安國云顛殄越隊也不恭不奉上命孔

言隕隊謂受上命而隊失之杜言從橫不承命謂其人性自

顛越從橫不肯承命意小異也刑名以截鼻為剿剿是割也

殄絕育長俾使皆釋詁文也易謂轉易

無使轉生種類不令更有惡子孫也

是商所以興也

今君易之將以求大不亦難乎弗聽使於齊

屬其子於鮑氏為王孫氏

私使人至齊屬其子改姓為王孫欲以辟吳禍

使所吏反屬音燭注及下同

反役王聞之使賜之屬鏹以死艾陵

力俱反又力候反將死曰樹吾墓檟檟可材也

吳其亡乎三年其始弱矣盈必毀天之道也

越人朝之伐齊勝之盈之極也為十

疏將死。正義曰吳三年越伐吳起。檟古雅反木名。語云子胥將死曰

而縣吾目於吳門以見越人之入吳國之亡也遂自殺王愠

曰孤不使大夫得有見也乃使取申胥之尸盛之鴟夷而投

之於江賈逵云。秋季孫命脩守備曰小勝大禍

也齊至無日矣善有備守手又反。冬衛大叔疾出奔

宋疾即齊也初疾娶于宋子朝子朝宋人仕衛為大夫。朝如字其

娣嬖娣所娶女之娣子朝出奔孔文子使疾出其妻而

妻之疾使侍人誘其初妻之娣寘於犁犁衛邑。

妻之七計反而為之一官如二妻文子怒欲攻

之仲尼止之遂奪其妻或淫于外州外州人

奪之軒以獻外州衛邑軒車也恥是二者故出衛

人立遣使室孔姑遺疾之弟孔姑文子之女疾之妻。姑其乙反又其吉反。疾

臣向魍為宋向魍臣。魍徒回反。納美珠焉與之城鉏城鉏宋邑。宋

公求珠魍不與由是得罪及桓氏出出在十年。城

鉏人攻大叔疾衛莊公復之聽使還。使處巢死

焉殯於鄆葬於少禘終言疾之失所也巢鄆少禘皆衛地。鄆音云少詩照反禘大

計反初晉悼公子愁亡在衛使其女僕而田僕御田獵

愁魚覲反一大叔懿子止而飲之酒懿子大叔儀之孫。飲於

作整征領反遂聘之生悼子悼子大叔疾之甥。政反。悼子即位故夏

戊為大夫夏戊悼子之甥。夏戶雅反下同戊音茂。悼子亡衛人翦

夏戊翦削其鬣邑。孔文子之將攻大叔也訪於仲尼

仲尼曰胡簋之事則嘗學之矣胡簋禮器名夏曰胡周曰簋。簋音

軌疏注胡簋至曰簋。正義曰胡簋行禮所用之器故以胡簋言禮事論語衛靈公問曰俎豆之事意亦同也

明堂位說四代之器云有虞氏之兩敦夏后氏之四璉殷之六瑚周之八簋如記文則夏器名璉殷器名瑚而包咸鄭玄

等注論語賈服等注此傳皆云夏曰胡杜亦同之或別有所據或相從而誤甲兵之事未之

聞也退命駕而行曰鳥則擇木木豈能擇鳥

以鳥疏甲兵至聞也。正義曰對靈公軍旅之事未之學也其意亦與此同軍旅甲兵亦治國之具也此以

文子非禮欲國內用兵靈公空問軍陳故並不答非輕甲兵也

文子遽止之曰圍豈敢度其私訪衛國之難也

圍文子名度謀也。遽其據反度待浴反注及

下同難將止 仲尼 魯人以幣召之乃歸 於是自衛反魯樂正

雅頌各 疏 魯人至乃歸。正義曰孔子世家云季康子

得其所 季孫欲以田賦 丘賦之法因其田財通出馬一疋牛三

出賦。別如字 疏 注丘賦至田賦。正義曰司馬法方里

一音彼列反 為井四井為邑四邑為丘丘出馬一匹

牛三頭四丘為甸甸乃有馬四匹牛十二頭是為革車一乘

今用田賦必改其舊但不知若為用之賈逵以為欲令一井

之內有一十六井其出馬牛乃多於常一十六倍且直云用

田賦何知使井為丘也社以如此則賦稅大多非民所能給

故改之舊制丘賦之法田之所收及家內資財井共一馬三

牛今欲別其田及家資各為一賦計一丘民之家資令出一

馬三牛又計田之所收更出一馬三牛是為所出倍於常也

舊田與家資官賦今欲別 賦其田故言欲以田賦也 使冉有訪諸仲尼仲尼

曰丘不識也 三發 卒曰 卒終 子為國老待

子而行若之何子之不言也 仲尼不對 不答

而私於冉有曰君子之行也 行政 度於禮施

取其厚事舉其中斂從其薄如是則以丘亦

足矣 丘十六井出戎馬一疋牛三頭是 若不度於禮

而貪冒無厭則雖以田賦將又不足且子季

孫若欲行而法則周公之典在若欲苟而行

又何訪焉弗聽 為明年用田賦傳。冒亡北

反一音莫報反厭於鹽反

附釋音春秋左傳注疏卷第五十八



精定書王國車葉
中書中書中書中書

江西南昌府學葉

春秋左傳注疏卷五十八按勘記 阮元撰盧宣旬摘錄

附釋音春秋左傳注疏卷第五十八 哀公六年盡十一年

經六年

任城亢元父縣北有邾婁城 郡國志引注邾作瑕是也

叔還會吳于柎 石經此處殘缺吳字以下一行計十一字

楚子軫卒 釋文云軫史記作珍

注為陳乞所逆故書入 宋本作注為陳至書入

所以明乞立陽生而荼見弒 諸本作荼此本誤荼正義同今改正

楚比劫立 淳熙本比誤此

故不容於誅也 監本毛本作因非也

傳

師于城父

闕本監本于誤干

陳盟在昭十一年

宋本淳熙本岳本纂圖本闕本監本毛本一作三是也今正

需事之下也

宋本此節正義在國人追之節注下

晏圉嬰之子

宋本淳熙本岳本足利本晏圉作圉嬰是也

前已敗於柏舉

纂圖本監本毛本舉誤人

注前已至是敗

宋本以下正義五節摠入又曰節注下

江漢睢漳

北宋刻釋文亦作睢石經誤睢家語水經注並引作沮李善注文選登樓賦云睢與沮同

正義曰土地名

宋本土作此

楚昭王知大道矣

諸本作大道釋文云本或作天道非

以為逸書

宋本以上有故字是也

注召在至之次

宋本以下正義二節摠入葬諸及冒淳注之下

謂遣意來召

宋本意下有茲字

嘗獻馬於季孫

纂圖本闕本監本毛本於作于非

戒使無曳言

宋本淳熙本岳本纂圖本闕本監本毛本曳作洩釋文同按當作泄

差車王車之官

宋本淳熙本岳本纂圖本監本毛本王作主不誤今依改

使胡姬以安孺子如賴

史記齊世家田完世家十二諸侯年表漢書古今人表並作晏孺子陳樹

華云安與晏古字通也

內有飢荒之困

毛本飢作饑

經七年

夏公會吳于鄆釋文鄆作繪云一本作鄆陳樹華云穀梁史記吳世家魯世家孔子世家並作繪是所據本有異也

鄆今琅邪鄆縣纂圖本閩本監本毛本邪作瑯

內外之辭岳本纂圖本監本毛本內外作外內

傳

君若以禮命於諸侯石經禮字改刻初刻誤體

吳王百牢宋本以下正義五節摠入注文弃禮知其不能霸也之下

莫適用也宋本毛本適作敵字按此適音的主也作敵者誤

棄天而背本石經棄字起一行計十一字

放棄凶疾宋本放作其非也

蓋言君長大於道路宋本淳熙本足利本無蓋字

羸以為飾釋文云羸本又作僕與王符潛夫論引合按當作羸為正

謂治其本國歧周之禮宋本閩本監本岐作岐是也今依改

注諸侯至執帛宋本以下正義三節摠入注文為明年吳伐我傳之下

以玉作六瑞宋本監本毛本六作五誤也

去其方五十里之國二百宋本百下有里字

以百里之方一宋本一作二是也今改

又以百里之方一為七十里之國二浦鐘正誤二下依王制正義補又以

百里之方一為五十里之國四十四字

猶聞鍾聲石經宋本岳本纂圖本閩本監本毛本鍾作鐘

魯擊柝聞於邾

釋文云柝字又作櫟同案說文作櫟

手持兩木以相敲

案周禮正義引鄭注敲作敲是也今依改

平陽縣西北有瑕邱城

監本城誤縣

或夢眾君子

宋本以下正義二節摠入注文有黍邱亭之下

眾君子諸國君妾耳

闕本妾字模糊宋本監本作妾是也

經八年

宋公既還

纂圖本闕本監本毛本公作人非也

夏齊人取謹及闕

諸本作謹漢書地里志引作鄣說文亦作鄣

闕在東平劉縣北

宋本淳熙本岳本足利本劉作剛是也闕本空缺纂圖本監本毛本誤劉案顧

景范方輿紀要云應劭曰剛城故闕邑也戰國時為齊之剛邑秦昭王卅六年取齊剛壽即此漢置剛縣屬泰山郡

後漢屬濟北國晉曰剛平水經注云又西南過岡縣北是也後訛剛為壇今有壇城壩此本作劉亦形相近而誤陳樹華云東平當作荏平不知荏平別是一縣非郡名也晉志東平郡有剛平

未同盟而赴以名

宋本未誤來

無官使也

宋本淳熙本岳本纂圖本足利本官作旨葉抄釋文同文十五年正義引作指使

正義曰定十年

十年二字此本脫闕本同據宋本毛本補監本初刻亦脫後擠刊

傳八年

曹人詬之

釋文云詬本又作詢案說文作詬从言后聲詢下云詬或从句

執曹伯

石經伯下有陽字與李善注運命論同

問可伐否

宋本淳熙本岳本足利本否作不是也案古書之不後人多改為否

問於叔孫輒

宋本以下正義六節摠入吳人盟而還注下

春秋左傳卷五十五
兵敗奔齊於後自齊奔吳此本實缺齊於二字據宋本補闕本監本毛本二字誤倒

於作于
君子至讎國宋本至字作違不適

如鬪辛之徒宋本閩本監本毛本鬪作鬪重脩監本作國非也

告有伐本國者宋本岳本纂圖本閩本監本毛本告作若是也今依改

與晉而回宋本淳熙本岳本纂圖本監本毛本晉作魯是也

拘鄆人之漚營者惠棟云鄭康成注考工記引作漚營釋文云漚烏豆反與漚同

何故使吾水滋說文引作水滋葉抄釋文同云本亦作滋字按依說文則滋乃水名左傳字不水

謂武城邑懼子羽為吳內應宋本邑下有人字

令知非者宋本閩本監本毛本令作今是也今依改

獲叔子與析朱鉏釋文亦作鉏纂圖本閩本監本毛本誤鉏

故不可望得足利本記云得下異本有魯國二字非也

三百人行至稷門監本毛本一作內盧文昭按本云疑一作下亦非案一字乃衍宋本淳熙本纂圖本足利本並無一字

畏微虎淳熙本岳本足利虎下有也字

弗從景伯負載造於萊門惠棟曰鄭詩箋云載猶戴也謂負戴器物劉光伯說是也

魯人不以盟為了毛本了作子非也

梠之以棘釋文梠作荐注同云本又作梠惠棟云說文云以柴木壘也外木存聲本又作洵釋文作荐音在薦

反
梠雍也釋文亦作雍岳本監本毛本擁非也

賓如臧會子。

淳熙本○作也亦衍文宋本岳本纂圖本
閩本監本毛本作臧會子無○是也

注明閭至略之

宋本此節正義摠入冬十二月節之下

麋之以入

諸本作麋此本作麋今改正

經九年

傳九年

齊與魯平

重脩監本平誤乎

宋公伐鄭

宋本以下正義六節摠入乃止句注下

西北至宋口入淮

宋本宋作未是也案毛詁父六經正義
云西北至末口末作未誤然則毛氏所

見南宋監本已不作末口矣

今廣陵韓江是

監本毛本韓作邗

炎帝為火師

淳熙本炎上衍故字

立為天子

宋本淳熙本立作五案正義亦作五山井鼎云
足利本云立字異本作五所謂異本多不可信

此云作五不誤

今下得帝乙卦

宋本乙下有之字

言其昏姻勢敵

閩本監本毛本昏作婚

反與魯謀伐齊

此本無謀字閩本同據諸本補閩本毛本
與作為非也

經十年

邾子益來奔

宋本以下正義二節摠入注又書會從不
與謀之下

邾子又無道

宋本又作人非也

注書會至與謀

宋本至作從不二字

來未同盟而赴以名

閩本監本毛本來作夷

傳

故令興兵

宋本淳熙本岳本足利本令作今

再令瀆也

淳熙本瀆誤賣

注犁一名隰

宋本此節正義在段高唐之郭節之下

犁即犁邱也

宋本犁邱作黎邱下同

知伯親禽顏庚

宋本毛本同與廿三年傳合閩本監本禽作擒

二十七年

宋本下有傳字

世稱知伯

宋本世字上有世稱趙孟知氏六字

傳

滕子虞母卒

淳熙本岳本蜀本母作母案六經正誤云作母誤與國本作母

傳

齊北盧縣

宋本淳熙本岳本足利本齊作濟是也

竟內近郊之地

纂圖本闕本監本毛本脫之字

一室敵車

此本一字空闕據石經宋本淳熙本岳本纂圖本闕本監本毛本補

二子之不欲戰也宜

石經宜字下後人旁增哉字非也

言子所問

纂圖本子上衍君字

有子曰就用命焉

劉原父春秋權衡云案有子當作子有子有者冉求字也仲尼門人字多云子某者

不得云有子也

公叔務人

正德本閩本監本叔誤孫毛本作務亦非

銳請也

宋本淳熙本岳本纂圖本監本毛本請作精是也

公為與其嬖僮汪錡乘

釋文僮作童云本亦作僮案說文童子字作僮禮記作與鄰重汪錡鄭注云重當為童春秋傳曰童汪錡

可無殤也

石經殤字改刊初刻誤傷

注時人至當殤

宋本至作疑童子三字此節正義在舟有用矛節注下

以夏后氏之塋周葬中殤

毛本塋誤墜

封內之田悉賦稅之

纂圖本監本毛本悉誤惡

長器鍾鼎之屬

宋本岳本長作大鍾作鐘淳熙本足利本亦作大是也今依改

稻醴梁糗股脯

宋本此節正義在曰何不吾諫節注下

月令命作酒云

浦鐘正誤云作酒二字疑大酉之誤

白梁粟

宋本白作好非也

展如將右軍

纂圖本監本毛本展誤辰

桑掩胥御國子

石經掩字起一行計九字

歌虞殯

宋本以下正義六節摠入齊至無日矣注下

葬即下棺

監本毛本即作則非也

擊虞駿之云

宋本監本毛本擊作擊駿作駿是也

陳子行命其徒具含玉

釋文云含本又作哈初學記引同

吳其泯矣

石經宋本泯作泯避所諱

暫遇姦宄

重脩監本宄誤究

屬其子改姓為王孫欲以辟吳禍

岳本以字在其字上

而縣吾自於吳門

宋本閩本監本毛本自作目不誤案國語吳語吳作東

盛之鴟夷

監本毛本之作以與今國語同

注胡簋至曰簋

宋本以下正義三節摠入魯人以幣召之注下

以治國之具也

宋本以作亦是也今改正

季康子使公華公賓公林

宋本亦作華是也閩本監本毛本誤葉

注邱賦至田賦

宋本此節正義在若不度於禮節注下

但不知若為用之

監本毛本為作何

井共一馬三牛

宋本井作并

舊田與家資官賦

宋本監本毛本官作司是也今改正

使冉有訪諸仲尼

岳本諸作於

度於禮

石經度字起一行計九字

施取於厚

石經宋本淳熙本岳本纂圖本監本毛本於作其是也

邱十六井

淳熙本六誤大

附釋音春秋左傳注疏卷第五十八

正

春秋左傳注疏卷五十八按勘記

<p>蘇合香樹 蘇合香 蘇合</p>	<p>蘇合香 蘇合香</p>	<p>蘇合香 蘇合香</p>	<p>蘇合香 蘇合香</p>
--------------------	----------------	----------------	----------------

